

Kodak Color Control Patches

第三册

卷六 考第四

山川考三

古蹟 陵墓

卷七 考第五

建置考一

城池 石櫃

卷八 考第六

建置考二

公署 會館

驛遞

常德府志卷六

山川考三

古蹟


武陵縣

義陵

劉禹錫武陵書懷詩序按天官書武陵當翼軫之分其在
 春秋戰國皆楚地後為秦惠王所并置黔中郡漢興更名
 武陵東徙於今治所常林義陵記云初項籍殺義帝於郴
 武陵人曰天下憐楚而興今吾王何罪乃見殺黷民編素
 哭於招屈亭高祖聞而義之故亦曰義陵今龍城東南亭



考



舍其所也晉宋齊梁間皆分王子弟存於其書

臨沅故城在縣西漢置縣隋改為武陵舊志

宋書州郡志武陵太守領縣二臨沅漢壽水經沅縣南臨

沅水因以為名隋書地理志武陵并臨沅沅南漢壽三縣

置按統志沅水經平山即經臨沅縣然後歷枉渚

沅南故城在縣西南七十里古城山舊志臨沅并入武陵舊志

後漢書郡國志武陵郡沅南縣水經沅

南縣在沅水之陰因以沅南為名水經沅南故城馬援所築也

采菱城在府西五里龍志

張若城縣東秦白起伐楚黔中楚遺其將張若築此城以拒

之統志

武陵記後漢梁松自義陵移秣於若城今州東有張若城

是

按通志言今府城即張若城遺址武陵記謂若城在州

東或舊常治臨沅故城故以此為東邪

司馬錯城縣西秦使錯伐楚黔中與張若相對各築一壘以

扼五溪咽喉舊志

劉禹錫登司馬古城詩自註秦昭王命錯征五溪蠻築城

在武陵沅江南賀奇曰府西無此城址獨府西南五里

有古城山又有古堤砌石為址又金雞堤亦有城址疑古

司馬錯城當在諸處前之為志者並未深入江以南考核不詳考宋陶弼詩云當年洞裏栽桃者便是斯時築版人諸古城去桃源洞皆約二十里或亦按跡揣摩而為此語未可知也

金雞堤府西南四十里石砌宛然相傳為鼎城故址舊志索縣故城一名漢壽城俗名腔隴城縣東北六十里

漢書魏國志武陵魏索在應劭曰順帝更名漢壽宋書州魏志武陵太守領縣漢壽吳曰吳壽晉武帝復舊水經注漢壽縣治索城即索縣之故城也方輿紀要漢壽城府東本漢之索縣武陵魏治焉後漢陽嘉三年更名漢壽荆

因之隋省入武陵縣今為漢壽鄉

按統志峽隴城府東北六十里為古索縣治即漢壽故城也今為居民田業而遺址猶有可考者故其鄉仍名漢壽賀奇曰漢壽之城在腔隴而所轄則龍陽亦有地該焉故漢壽名鄉者武陵龍陽皆有之矣

南城在善德山上宋宣撫使韓宣以常德城守不固復築城於此以為犄角今名望城坡統志

社木寨在武陵縣東三里

荆州記武陵魏中庶木光武所手植酉陽雜俎武陵魏北

有鹿木二株馬伏波所種木多節按鹿鹿二字疑有誤當是一物記者訛也

善卷壇縣東十里卽枉山孤峯頂舊志

方輿勝覽善德山有善卷壇善卷先生所遊處也舊志善

卷先生避世於此隋刺史樊子蓋以名其壇爲善德觀唐

咸通間太守薛廷望重葺宋淳熙五年巽巖作記鐫碑後

失所在紹興間李燾復建祠奉木主以祀後經兵燹緇流

因塑真武像以鎮水口惟壇獨存李燾善卷先生祠堂記

家亦奮若重陽日提刑兼府事建高蹈先生祠於常武之

德山而爲記曰日出而作日入而息逍遙於天地之間而

言乎武陵有善卷壇辰谿有善卷塚此非李吉甫元和祀

志載善卷遊戯之所乎在隋則刺史樊子蓋慕善卷之德
改此山爲善德山名壇字曰善德觀在我朝大中祥符則
以詔加先生之封祀之政和則賜號遁世高蹈先生淳熙
五年則巽巖作善卷壇記今壇宇雖不存而碑碣尙無恙
也亦有無名氏之詩曰山擁翠屏千疊秀澗拖輕練一條
深堯時高士烟霞洞依舊丹爐鎖桂林劉禹錫詩曰先生
見堯心相與去九有斯民旣已治我得安林藪道爲自然
福名是無疆壽瑤壇在此山識者常迴首故踐先生之遺
跡頌先生之高風貪者廉儒者激蓋自勛華以迄於今日
矣故先生之跡未嘗不昭揚而先生之祠宇乃有時乎廢
興豈有數以存乎其間邪雖然非數也蓋先生之道不可
一日泯也善乎董仲舒之言乎堯舜德彰而身尊善卷德
積而名顯善在是則堯舜之道在是堯舜之道在是則善
卷之道亦在是人知善卷之善乃卷所得之道而非卷所
得之姓斯可與登先生之堂誣先生之道矣

浮圖在孤峯頂之京滌人楊時芳倡建舊志按龍志宋楊

扼五溪遙路入京城萬國朝石櫃雄吞排水勢浮圖高聳

接雲霄今浮圖廢萬歷三十五年知府張定徵奉督學董

其昌巡道劉之龍議命魏人治中夏尙金給事王佐擇一峯如臺於魏城爲巽位鳩工礱石建浮圖基以鎮水口而妖言沮之後楊時芳卒建塔並八方樓 國朝乾隆十一年魏守董思恭知

縣翁運標重建並建書院今塔前有董公書院遺址尙存沈約臺府西南五里沅水之南上有福光寺其側有邱古樟一株垂蔭數畝相傳爲沈約讀書臺

劉禹錫武陵書懷詩沈約臺榭故李衡墟落存名勝志沈

公臺碑在城西福光寺竹林中今猶存古碑題額六字云

重遊沈公臺記碑字漫滅記謂沈約爲沅南令寰宇記補宋時武陵

屬郢州蔡興宗爲郢州刺史引約爲安西外兵參軍兼記室約必曾至武陵故有此臺約實未嘗爲沅南令也

鬼磨石在枉山東半里舊志

采菱澗在府西五里白馬湖產菱甚美楚平王嘗采之築

於湖畔又有采菱亭唐劉禹錫采菱行詩曰白馬湖平秋

日光紫菱如錦彩鴛鴦是也通志

三閭港見山川

崇孝港府北六十里

舊志相傳古孝子傅羅卜居此故名今街爲崇孝街街東

二里許地名傅子岡爲孝子葬母處石塋猶存土人呼爲

傅母墓武陵志稿孝子家巨富好善喜捨上自羅卜港下

至慶壽寺袤延九十餘里皆有田庄木瓜脫塵五灶淨居

崇福慶壽法洪諸寺悉其所捨黃花障會仙橋其所修花

園基址至今宛然

玉帶河府治西北一里

舊志水自府學西北火星池流至縣學右出城外宋端平間太守龔穎篆秀水斗門四字海蟾翁曰此武陵一條玉帶他年必應後待制張頡為張惇平辰蠻畫策充東南發運使畀以玉帶果驗其言

四朝聞見錄高宗以常德為孝宗潛邸先是常德有玉帶渠在城內本名永泰渠端拱初或以水由坤入於府城最利且避陵名更名秀水守臣龔穎篆以表之熙寧元年有異人號海蟾翁劉易者寓天慶觀謂所善魏道士曰此水郡之玉帶當有佩者應之未幾孝宗啟社又流虹霓電之地實曰秀州亦秀水之譌按說與舊志小異而加詳

日鶴池在府治內 見業錄

譙樓在府署頭門知府胡向華重建今圯

胡向華鐘銘曰常德昔建譙樓不知廢於何年首善之地籌傳無聞是缺典也今乘建南薰樓夫匠因利就便竭子綿力仍即本基以建造之採鐵購炭鳩工募匠製遵岐伯按四時法九州鑠金為鐘金人告子曰模範既具鑪冶以就僮工可施聿觀厥成

龍池在府治前

武陵記宋謝承為守時有黃龍見龍東水中承拜表稱賀

因以名 按今龍池巷庵內繪有龍像其遺跡也

火星池府學後昔傳有火星墜其中都御史吳廷舉命官疏

府學類池之水從後入池過明月橋土地祠下通玉帶河

纏繞縣學在年疏通無滯故縣學人文鼎盛後漸壅淤舊志

按池係邑人公地為府學水道周圍約五畝付火神廟在持僧管理今多為居民侵占若不及時修濬蹟且湮矣

三雅洞在府西通志

武陵記昔有人鑿池得三銅器其下有銘曰伯雅仲雅季

雅蓋漢末劉表製三雅酒器伯雅容七升仲雅容六升季

雅容五升名其洞曰三雅

玉笋池府學東相傳宋人掘地得三玉笋因名舊志按此條疑卽上武

陵記之言而小異

明月池府城天慶觀前俗稱放生池舊志

學書池府東北九十里晉高士伍朝別塾堂下朝少好學每

臨池學書水為之黑舊志

清白泉在府堂西北 國朝乾隆三十九年罷守葉馨重甃

建清泉廳臨之作記鐫石曰舊井有泉何以重修為在堂

右溜水入焉日久苦鹹人且咎井井實無咎也乃加淘汰

爰祀井神

江信泉城西濠涵碧亭東舊傳脈通明水每江水消長井之

淺深應之故名味亦甘冽

孝女泉 見山川

萊公泉在武陵縣北六十里

皇朝類苑鼎州甘泉寺介官驛之側始寇萊公南遷日題諸東楹曰平仲酌泉經此回望北闕黯然而去未幾丁晋公又過之題諸西楹曰謂之酌泉禮佛而去人皆唾之後范諷詩云平仲酌泉回北望謂之禮佛向南行烟嵐翠鎖門前路轉使高僧厭寵榮宋淳熙中張南軒特書榜曰萊公泉王得臣塵史引鼎州記武陵縣北六十里有甘泉寺行人多謁焉寇萊公往雷州凡題三十字曰庚申年秋九月平仲南行至甘泉院僧以詩板示予征途不暇吟咏代記年月後丁晋公謫朱崖過寺題五言詩一首因而至寺

二相南行至道初記名留咏在精廬甘泉不洗天涯恨留與行人鑿覆車可謂言婉而意遠矣按山堂肆考載萊公寺碧溪詩話言在灑陽道旁甘泉寺二說與皇朝類苑在府北者事同而地異竊以類苑宋人書必有據也

丹砂井府北一百步泉赤如絳

抱朴子曰余祖鴻臚為臨沅令云此縣有民家世壽考後徙去子孫多天他人居其故宅亦累世壽乃疑是宅井水殊赤試掘其井左右得古人所埋丹砂數十百斛去井數尺皆丹砂汁因泉漸流入井是以飲其水而壽武陵廖氏譜廖平以丹砂二千斛置所居井中飲是水以祈延齡統志海蟾翁煉丹處有仙人黃泰嘗以丹砂置井中病者取

水服之輒愈因於井旁立耆壽坊後入為府第

按海蟾翁宋熙寧時

人抱朴子晉人當以前說為近且井失其處疑今坊內有胭脂泉者或其遺蹟然府北百步及入為府第之說猶病

其舛也

絲瓜井天慶觀後之左縣學秀水斗門前相傳井中有蟾每

夜吐白氣一道直冲雲漢間人不知其異獨劉海望而知

之取其蟾仙去俗語劉海戲蟾即此

舊志劉海當是海蟾翁之誤

異泉井在戟門東滌牲池西明成化八年秋同知李泰承祀

事泉忽湧出人以為異因鑿井構亭覆之今亭圯而井猶

存其味甘冽可飲

舊志

崔婆仙井縣西二十里平山下

龍志即卓刀泉後有崔婆廟今廢

青蓮社在德山佛廬左郡人詩社龍膺嘗攜酒飲袁中郎於

此唱和為多今圯

潛壑集

都尉城在府西

方輿紀要

括地志梁置武州於武陵又別置都尉領六縣

春申君府第在府南今開元寺趾

統志

方輿勝覽春申坊即春申君故宅

齊武陵王府在府城今失其處

舊志

玉融謝弓啟日殿下摘藻蕙樓暢藝蘭苑敷績玉於風筵

疊連珠於月窟免園掩秀鄰水慙奇融掛讓未工濫升飲

之賞操弧反矢奉招賢之錫文韜鏖景逸幹稍雲玩溢百

齡佩流千載按舊志蕙樓蘭苑皆其別業

梁武陵王府在府城今失其處舊志

劉孝儀謝賜第表曰竊以南望朱鳥北距蒼龍右帶御溝

左迴青路異晏嬰之湫隘同潘岳之閒居臣幼自宮掖長

遊城府雖輪奐之美多門而館第之私未暇今輕舟將返

高門遽錫遂葺家築室百堵皆興雲屋連甍一朝宏敞

五代周行逢西府在武陵縣內相傳即今府治統志

三楚新錄行逢以武陵為西府

宋普安郡王府即常德軍節度使第後為總兵署舊志

明榮王府府治西北一里明宏治十一年命內官監工工部

陳翽董造明孝宗四年封憲宗第十二子祐樞於此

歷傳五世龍膺曰榮府在常德府西北宏治十一年欽命

德四年復命郎中張謐再加國即總鎮舊闕而營拓之正

林通等行撫按官重修門曰修飾又節因宮殿災差郎中

遵義後曰廣智殿曰承運曰承運曰端禮左曰體仁右曰

之左社殿山川風雲雷雨等壇並列如制在內供奉世子

府東曰興儀典寶俱府前曰以所名者曰審理曰紀善俱

武陵草堂

舊志按草堂不知建始何人唐楊浚有五言古詩一首考

楊浚在開元時官校書郎詩意蓋為當時隱居者作見文

徵

教子堂在縣治內宋唐介作尉時建以教子者韓琦作記蔡

襄為書統志

世寶堂起人太常卿楊禔建多藏古冊墨跡以遺子孫

九芝堂在大西門內明天啟辛酉歲武陵龍氏祠堂產芝九

本龍氏自宏治甲子九科內科第不絕遂顏其堂曰九芝

龍君御谿園六記序云西第九芝堂花石奇秀華榭曲榭

亦稱君子之居

曉蓋堂府東北六十里在鷹湖上羅時昇建通志

夕堂在府學東賀奇建

永思堂在今縣堂內知縣楊鵬勳建題吟成卷

清陵館縣治南漢李陵為臨沅令邑人思之立清陵館通志

東壁館在縣治東二十餘步明天啟間知縣鄒毓祚為課士

建舊志按在前考院東

水星樓府城內東湖旁為鎮火災建今移神鼎門東城上前

俯江流舊志嘉慶十六年棟宇將傾知府應先烈籌款重

建較舊加壯濶

南熏樓明洪武七年咏歸亭圯常德衛指揮孫德修復城池

乃於石櫃建樓以補其缺監察御史黃義書南熏樓額永

樂十五年知府應履平重葺入窗玲瓏雨烟晴翠為登眺

佳景 舊志

勅書樓在府治西春官學士陳春宇建

康樂樓武陵柳氏所築蘇轍子由題有句云使君欲盡溪山

好不作層樓無奈何 總志

鼎文閣在府學前即南齊 舊址 郡人楊時力倡建

調元閣在臨沅門樓下明崇禎三年知府鄭時舉撤去府前

鼓樓壘石為基建此扁曰調元樓 舊志

寓賢閣府城西南上石櫃二聖寺之左明王守仁謫龍場驛

時過武陵與郡人蔣信奠元亨講學於此 統志

潮音閣即寓賢閣在二聖寺左

湖江閣府東 堤防考畧

慈容閣府南六十里遐齡山上土人唐姓祠其母劉氏者 舊志

雙鶴軒在故縣堂東知縣應能建 舊志

敬一亭在文廟東內藏四箴碑並御製碑文 舊志

觀瀾朝宗二亭在頰門左右今圯 舊志

咏歸亭在府學前石櫃上元延祐六年達魯花赤哈咄築高

二丈餘建此亭今廢 舊志

楚望亭在枉山陬後移建善卷壇西

臨晚亭仰止亭俱善卷壇上後圯毘人楊時芳於楚望亭基

上建八方樓題咏成帙明季燬於兵燹 宋袁申儒楚望臨晚仰止三亭記曰

郡有德山江近城山陬有亭舊扁楚望載在圖志沅水
 演迤陽山雄峙臨在渚以想朝發望秦城而慨秋絲遊觀
 之最也中更新名江山平遠而移楚望於舊亭之旁非矣
 未幾易名雲深而楚望之名遂泯非之甚矣幸而墨本未
 泯寺有藏焉申儒與太守許公捐金俾主僧介山之中度
 地於善卷壇之西平坡礮石以亭其上匾楚望舊名又即
 善卷壇前臨江迫岸別為亭名臨眺善卷壇雲深之間又
 為亭名仰止梅桃茶桂芙蓉橘奴夾道分植舍旁設庖廚

善卷亭在孤峯頂善德觀前嘉慶四年邑人重建

按善德觀今為佛廬金祀真武而善卷祠祀轉隱今亭
 以祀善卷即舊楚望亭故址重建也

子胥亭在漢壽城傳子胥伐楚時建或曰漢人修城時建

按劉禹錫漢壽城春望詩自注古荊州刺史治亭下有
 子胥廟楚王古墳舊志或謂子胥所掘平五之墓

楚昭王墓恐屬傳會

招屈亭在城南舊志

方輿勝覽招屈亭在城南相傳三閩大夫以五月五日由

黔中投汨羅士人以舟救之為何出得渡河之歌武陵

陵門外舊有招屈亭劉禹錫詩昔曰居鄰楚屈亭說

云曲中人散空愁暮招屈亭前水東注是競渡始於武陵

斯隋志競會亭上之驗其地本名屈原巷近有小港名三

閭河蓋原生平所遊集也又曰龍船歌每唱四聲前聲

餘邪野二音後聲畢餘阿柯二音而已抵暮散船則必唱

曰有也回無也回莫待江邊冷風吹其來甚遠按舊志地

里志屈原以五月望日赴汨羅土人迨至洞庭不見灘大
 船小莫得濟者乃歌曰何由得渡湖因而鼓棹爭歸競會
 亭上又曰龍船歌邪野阿柯餘音惟武陵為然諸處不爾
 一云其音為些些本招魂楚些之遺乎屈意也按宋玉招
 魂帝告巫陽有人在下我欲輔之魂馳離散汝筮予之蓋
 原發後語今划船用巫實始於此又曰船中兩旗方幅各

尺五寸以布爲之楚辭乘回風兮載雲旌又曰乘船船余上沅兮齊吳榜而擊汰船容與而不進兮淹回水而凝滯此原生平遭遇掩抑連遭後人寫之疾鼓輕捷轟霆捲雪庶一洗其離憂之氣耳

乾坤清氣亭陳晉經建

雙松亭府北八十里文殊山上應天禪寺之後宋翰林學士

黃庭堅有詩統志

思樂亭在善德山上明宏治十一年郎中陳珂建舊志

心遠亭府西門外南察院後舊志

樂止亭來月亭俱缺考舊志

靜芳亭缺考舊志按明統志陳洪謨以老乞休歸築高吾書院著有靜芳亭集四庫書目提要亦云築室

高吾山中所著有靜芳稿則靜芳之亭當在今河決平鹿二山間

惠安王府富城王府俱府東門內貴溪王府府清平門內

龍志正德以來封郡王者五皆榮莊王出福寧永春不嗣

伍朝宅在府治東統志

宋柳拱辰宅在縣西三里卽今所謂青陵也統志

湖上書屋在府北七十里明陳大忠建曾孫思虞復修廣園

清池饒花石之勝今地武陵舊事

三閭巷東門外濱江有屈原廟隔廟一街西通大河北抵東

門大街名三閭巷巷口有亭曰招屈亭舊志

開元寺在府前

唐郭湜高力士傳高力士流巫州以寶應元年終於期州

開元寺

樂合園齊樂藹為武陵合治園植桃李去後百姓思之不忍

翦伐因名樂合園

舊志 楚書按藹本傳未嘗為武陵合治園但遷龍陽相時齊豫章王嶷為武陵太守雅善藹為政而後人因而訛傳之歟

守雅善藹為政而後人因而訛傳之歟

桃花源在府治西元都觀內舊傳唐時有道士植桃滿觀劉

禹錫為朗州司馬賦元都觀看花詩故名

舊志 楊文斗曰禹錫集云元和十一年自朗州名至京戲贈看花諸君子及再遊元都觀詩序余貞元二十一年為屯田員外郎時此觀未有花是歲去牧連州尋改朗州司馬居十年名至京師人人皆言有道士植桃滿觀如紅霞遂有前篇以志一時之盛云云則元都觀自在長安而武陵元都觀為傳會也

和十一年自朗州名至京戲贈看花諸君子及再遊元都觀詩序余貞元二十一年為屯田員外郎時此觀未有花是歲去牧連州尋改朗州司馬居十年名至京師人人皆言有道士植桃滿觀如紅霞遂有前篇以志一時之盛云云則元都觀自在長安而武陵元都觀為傳會也

瀛園府東十里在柳葉湖邊太常龍膺建

舊志

太常記初治瀛園掘地得古鑑色綠如瓜背誌四字曰千

秋福祿予築閣以居而藏厥鑑因取千秋命閣

帶經園陳長鎮築

芷蘭園陳惠鈞築

增

歸老橋宋柳拱辰掛冠於此一名拱辰橋府城西三里故青

陵村白馬湖上會鞏為記

涵碧亭在小西門外

增

桃源縣

沅南故城

一見武陵 按城基址在今壽陽坪宋延平間建

采菱城縣東北二十五里楚平王築

一見武陵方輿記要采菱城在桃源縣武陵記

其湖產菱殼薄肉厚味特甘香楚平王嘗采之有采菱亭

黃土故城在縣北十五里

按城高丈餘厚二倍之壘土成墉尚存十之七焉土黃土舖塘九里許

楚山縣東二里舊志每當春花木先發至曉雞亦先鳴所謂

楚山春曉者 縣志稿

潮音洞在聖水泉半山之上游人以巨石投洞中磔磔然躍

激成聲初小而漸大聽之如潮然洞岸東南少可通人跡

西北壁立千仞上鐫潮音洞三字 增

伏波洞馬援避暑處蜀人於文徵以石洞為閣門額源陽仙

隱洞中有於文徵遺像 太常記

洞神池在桃源縣東三里 統志

滄鼎池 煉丹臺 摩頂松 空心杉俱附見山川

甕城在漁仙洞鐵壁如圍四時垂異花龍膺更名曰小金剛

輪圍山而築菴香半閣於其上 漁仙雜著

石墨在木心岩下累累沙礫間取之可以作書 桃源索隱

文石在萊蘿下溪多紅黃白色其紋如指上螺又豆青山有

淚石白而圓潤其上多紅點 燕竹堂記

米井縣北九十里

明關士琦米井記畧距靈巖數里溪旁有米井井中石子

隨水感沸粟粟如米

爛船洲 桃花溪 遇仙橋 俱附見山川

月潭在方山潭水有光雨夜更甚潭底纍纍小白石取視如

月越宿光失擲潭水如故 桃源拾遺

潼沔渡縣南五里至晚時有渡者即之不見呼潼沔晚渡 桃源

縣志

桃川宮舊名桃花觀縣西南二十五里

玉海淳化元年朗州官奉詔修桃源觀 五百仙人閣成名

望仙閣劉禹錫桃源詩皇家感至道聖祚自天錫金闕傳

本支玉函留寶歷禁山開秘宇復戶潔靈宅自注詔隸二

十戶免徭以奉灑掃桃源洞志洞天營葺唐以前無聞自

黃洞源瞿柏廷相繼控鶴於茲刺史温造紀其事於桃川

宮宇之建當自大歷貞元間碑碣所載桃源觀桃源新壇

俱頽漫不可考宋政和元年權發遣廣南西路轉運副使

張莊奏聞始建景命萬年殿及福壽二星經鐘樓閣齋寮

厨庫廊廡方丈凡一千三百三十楹明年賜名桃川萬壽

宮額設提點掌之以便祝釐淳祐元年增創武當行宮於

宮之陰矩度畧與太和比元末燬於兵明景泰六年中丞

李收集制書立殿宇數楹成化十八年罷守李募修三清

龍虎殿法堂官廳 宏治十四年建山門正德十三年復建

行宮題曰元岳遵太和始額也萬歷初觀察劉陶宇十八

年分守湖北道李廷謨三十二年分巡湖北道劉之龍皆先後參建大觀斯備三十七年分巡湖北道郭顯忠改建大士堂於山巔明末俱遭兵燹 國朝漸次修補遠遜舊跡

漳江閣在縣東縣志在下石櫃為縣治下關

舊志濱江石磯上相傳江底有月流人立岸時嘗見之入

景漳江夜月即此按縣志閣久廢雍正二年復興乾隆十

八年圯十九年重建旋圯嘉慶三年鼎建閣三層

石梁閣在馬石溪起人龍膺建大常

川上亭縣前石櫃上元延祐間建後廢明萬歷七年知縣

天佐重修舊志見學校考雪濤閣縣南二十里江盈科建

野春亭在桃源縣城內

清異錄武陵儒生苗彤事園池以接賓客有野春亭者雜

植山花五色錯列

仙遊亭縣南三十五里秦人洞側相傳為神仙遊憩之所道

人呂昌有詩舊志墨舞堂縣南二里印司奇建增

溇陽古寺縣東三里許其寺久毀多烟雨薄暮猶聞鐘聲縣志

岸勛齋在縣西三十里關十琦築增

蟠桃巷在縣治西宋大中祥符間邑人開地見玉龜於光照

耀得大果九枚識者引漢武內傳及博物志以為蟠桃核

最古園在縣治西羅人琮建增

龍陽縣

龍陽故城在今龍陽縣西統志

宋史地理志常德府龍陽紹興五年移治於黃城岩統志後復還故治

神鼎山

朗州圖經龍陽有神鼎山按神鼎山今不詳所在舊志言黃帝鑄鼎於鼎口即今看竈山疑傳會史記鑄鼎荆山張樂洞庭之語諸圖經方記皆指其地以實之又不獨龍陽也以其從來遠錄之

滄港鼎港

張旭墨池在縣西淨照寺內相傳唐張長史曾學書於此池水盡黑舊志

圖志宋紹定間欽山劉子澄持檄所部過龍陽香積寺即

淨照訪墨池遺跡見池亭俱廢留私錢屬征官重闢而亭之

南城鄧均錢塘戴宗紹立石紀其事舊志明萬歷丙申知

縣喻政即寺西南隅為亭前稍瀦池水以存遺跡甲辰分

巡使者劉之龍捐俸重建額曰雲烟深處登其亭者東望

洞庭西望陽山金牛峙於前沅水逕其下仙跡宛然為一

邑奇觀國朝嘉慶辛酉署縣福順重建亭砌池魏守孫

鑒為之記兼額顛草之遺四字

浮圖在縣東南

縣志稱明嘉靖間訓導歐陽迨於今奎樓前
壘土為峰萬歷三十一年教諭徐可行助修

二十八年邑士復請建一峰疑皆此處三十九年邑紳曾
壽貴議修於高坡未果 國朝乾隆十三年貢生高居元
等倡修黃茅嶺未成尋廢 國朝乾隆四十七年署知縣傅廣聰紳士
董翰盛等議建南禪寺地周士儆首捐倡修在學廟與方

南漪草堂縣南門外吳伯學建 六瀾堂王為垣建 增

西泮草堂濱洞庭魏又成建翟龍躍題詞 增

勅書樓在縣南明正統間按察副使胥必彰孫本初尙義受

勅建閣貯之 舊志

滄水驛樓在縣西十五里滄浪水上 統志

湘山野錄平林漠漠烟如織寒山一帶傷心碧暝色入高

樓有人樓上愁玉梯空竚立宿雁飛歸急何處是歸程長

亭連短亭止此人不知何人寫在鼎州滄水驛樓復不知

何人所撰魏道輔泰見而愛之後至長沙得古集於子宣

內翰乃知李白所作

八方閣儒學左明天啟間史贊舜建 縣志

鎮龍閣 詳寺觀

敬一亭在儒學東知縣黃豫建 舊志

申明亭旌善亭 龍志俱縣門外

清斯亭在縣西十五里滄浪水上 統志

來鶴亭在淨照寺 國朝康熙間僧照智建松竹成林雍正

間知縣譚岑復修 縣志

涵虛亭 國朝康熙二十年守備戴朝幹建 縣志

野趣亭觴月亭邑人陳一揆建有墨浪池落虹橋遺址猶存

聲槐亭邑人彭鳴霄讀書處 國朝康熙七年建在儒學東

有古槐垂蔭數畝瞿龍躍有記 縣志

龍津書館故址縣南梅溪宋紹定間周範建遺址猶存 舊志

袁申儒記畧曰是地也羣山四挹而左右顧望賓從拱揖

滄浪水橫其前演迤如帶澄潔如鑑上下交映遠水環接

俗子巧夫以智力求得而不能者今不謀而得陰陽以

為地之勝也

三國李衡宅在縣西北汎洲即李衡種橘處一名橘洲 湖廣通志

吳志註李衡字叔平為丹陽太守每欲治家妻輒不聽後

密遣客十人於武陵龍陽汎洲上作宅種柑橘千株臨死

時勅兒曰汝母惡吾治家故窮如是然吾州里有千頭木

奴不責汝衣食歲上千匹絹亦可足用耳衡亡後二十餘

日兒以白母母曰此當是種柑橘也汝家失十戶客來七

八年必汝父遣為宅汝父恒稱太史公言江陵千樹橘當

封君家吾答曰且人患無德義不患不富若貴而能貧方

好耳用此何為吳末衡柑橘成歲得絹數千疋家道殷實

晉咸康中其宅上枯樹猶在

涉園縣南邑人史與祿建今廢縣志

東園東關外邑人袁鯨建今廢縣志

也園張雲鵬建號飲酒民縣志

連理木在縣東大溪口見山川

汎洲古柏在縣西北義興寺

通志華州回道人過此題詩二句於古柏上今枯併踰抱

猶存

壽溪楓祀連理木王為垣有詩

沅江縣

古羅國

應劭曰楚文王徙羅子自枝江居此通志拾遺羅自宜城徙枝江自枝江再徙湘陰汨羅以水得名羅以

國得名也

寰宇記春秋古羅內地漢置羅縣屬長沙國范致明風土

記唐武德四年蕭銑置巴陵郡華容沅江及汨羅湘陰五

縣六年改為岳州南唐隸朗州武平軍節度又曰其後以

沅江隔湖割隸鼎州

按長沙府志劉宋湘陰故城在縣北五十里實今沅江

縣之東境古羅國地也宋書州郡志湘東太守領縣湘

陰元徽二年分益陽羅湘西及巴峽流民置唐屬岳州

梁屬潭州宋初屬鼎州而沅江縣境之地及時復隨之

以爲分析者也

劉公城縣西三里縣志

統志漢昭烈嘗畧武陵長沙零陵桂陽四郡因築此城元置齊湖巡司於此明初廢

重華縣城在縣東北縣志

通典沅江縣梁置重華縣隋廢有重華城亦謂之虞舜古城元和志沅江縣本漢益陽縣地梁元帝分置重華縣

藥山故城在縣西縣志

隋書地理志巴陵郡沅江梁置曰藥山仍爲魏平陳罷廢改縣曰安樂十八年改曰沅江舊志今藥山鄉是也

子母城縣東南八十里城址猶存縣志

按此城疑卽舊縣治初屬岳州爲附近相傳宋楊太屯兵於此

孩兒城縣東北九十里志稿

讓本城在縣東坪塘嶺志稿

七仙洞在景星寺後舊有石井夜聞笙竽簫管之聲清澈四山唐王融詩參差吹鳳笙卽指此也又有石鐘有小孔擊之有聲嘉靖三十年爲榮府取去御史吳琛有詩今逸

千秋峽縣南八里相傳關公磨刀處縣志

車子岐縣東四十里古鐘一口相傳能興雲霧縣志

赤沙湖在縣東南三十里湖岸土赤望若丹砂歷碌浮漾碧

波中通志石湖縣南望雲漢有石湖秋月詩通志

浮圖在縣千秋峽縣志浮圖寺唐乾和異河千秋峽地勢爽

上嘉慶二年埃
工名凌雲塔

釣洲縣北寒潭縣南

通異記洞庭湖中有釣洲昔范蠡扁舟至此釣於洲上有

一陂陂中有范蠡魚又曰洞庭湖陂有范蠡石床石硯

按舊志謂嚴子陵釣於寒潭又稱汴洲漁釣不知何據

王為壤詩曰五湖有伴曾名蠡一釣無魚合姓蠡蓋本

此也

故關洲縣東南六十里詳關

卧龍墨池在縣西烏龍寺內相傳漢諸葛亮嘗滌硯於此舊

朱楊光發卧龍寺萬福殿碑文沅江之西有山曰雲從有

寺曰卧龍乃孔明舊遊之地後人思其德以寺名也厥寺

之陰有水一泓復以洗墨名焉且以為孔明煎墨之地

李光煦曰沅江黃荆坑西北岸有卧龍寺古蹟蜿蜒三嶺

基後古樹數十株前有池可半畝淺淤蒙茸春夏稍瀦水

相傳墨池即其地也碎瓦殘甃不時隱現一日牧童驚指

池中魚躍以竹罩捕之無所獲得長石一方角稜稜然銚

之出則碑也摩其文稱武侯曾洗墨於此鐫篆之年則寶

慶九年乃立碑於嶺上時乾隆乙丑歲至甲申乃建廟覆之邑令王額曰古蹟重新

明月池在縣東二十里水清激陰晦時池中有月娟娟可人

通志

赤江渡縣東半里昔有異人喚渡於此其舟自濟舊志

于民堂宋唐介建久廢知縣顧智重修製匾仍用原名乾隆

六十年知縣傅景錄重修縣廡於二堂

李氏沅江堂在縣南二十里龍洞宋王安石有詩其址無存

縣志

望江樓即公館門樓明知縣馮綱建

宜春樓縣東城內唐李羣玉有詩見文徵按詩題作登宜臺

慶雲樓在縣署 國朝康熙二十五年知縣顧智重修

桐林閣在縣西至晚其鐘自鳴聲聞數里舊志

鎮龍閣在縣東小江口明天啟元年知縣蔣士倫建知府李

時啟有記崇禎二年重修

楚貢亭縣東南二里新街上縣志

通志宋大中祥符中封祀泰山遣使沅江采三脊茅老人

王皓能辨其茅一莖三脊芬芳殊甚其茅遂成額貢故立

此亭後燬元人工儻真有記

招屈亭縣東麥舍窖唐崔禮山有詩

對鷗亭縣西南下瓊湖隄上明嘉靖二十四年知縣張澤建

今廢 縣志

戒石亭在儀門內

明萬歷中知縣安其善改為坊額公生明三字 國朝康熙中知縣朱永輝重建

旌善亭申明亭俱知縣霍梓創建

龍志

宜春臺縣東門外今廢

縣志

更鼓臺在彭湖垵每風雨晦明時聞更鼓之聲

縣志

棲雲軒在縣西元顧阿瑛有詩

縣志 詩 見文徵

管谷奇宅在縣東

縣志寺山洲在萬子湖中上有古寺基夏秋無蚊蚋明進

士管谷奇舊宅在焉

小西門在縣東北二十里水中有石門漁人入水往往見

縣志

景星寺唐李羣玉有登宜臺詩注云醉宿景星寺

園壑

武陵縣

善卷先生墓在善卷村

湖廣通志德山志同 按明統志墓在大西山又辰志云宋祥符中有人

竊發其墓須臾雷雨交作人莫敢犯湖南通志善卷墓在辰溪縣西九峯嶺並錄侯考

楚春申君墓在府治前

統志

方輿勝覽黃歇黔中人戰國時為楚相封春申君開元寺

址其宅墓在焉

按墓在今府署東轅門外舊有殘碑

武陵

志稿 國朝乾隆壬辰知府葉馨嘗修砌之上建鼓亭三十九年知府呂又祥立碣前建小祠

呂又祥記畧曰甲午季春余守是邦聞府第頭門外左側鼓亭下有春申君墓予踵視之踐踏污穢僅有墳堆碑座而碑記無存矣凡屬墳墓猶禁侵凌春申君爲千古聞人不可聽其踐污不爲修復考府志載府前大街由下南門出河街俱名珠履坊卽春申君館客處又稱府北開元寺乃春申君舊宅今入爲府第廣輿記春申君墓在開元寺今府第係開元寺改建爲春申君舊宅則此墓雖無碑而志有足據或謂史記春申君於考烈王八年五年請封江東

因城吳墟卽今蘇州似其墓亦宜在吳然此邦密邇鄢郢能禁焚人之不葬於楚地邪於是擬爲修墓建祠史役咸自前任某修其墓而厲鬼爲祟予曰嘻是何言歟春申君有靈豈有因人修其墓而反以爲厲乎卽有之或修墓者中存玉魚之欲故有以示之耳越孟冬朔十日折去鼓亭高砌其墓繚以垣牆前建祠宇其墓前豎以小碣曰楚春申君黃歇之墓

嘉慶三年知府胡文銓重修春申君墓

按先是墓前微塌胡守因啟墓修之乃隧葬懸棺其和方廣約五尺栗色斑駁似朽非朽衆皆見之疑爲槨也

四周皆陶甃每甃長二尺餘寬尺餘厚亦徑尺砌甚堅固墓門闌以大石修復樹碣

古層塚縣北十五里舊志

朗州圖經在縣西亡其姓名故老相傳云昔有開者見銅

人數十枚張目視俄聞塚中擊鼓大呼竟不敢進後看塚

上環合如初

晉襲元之墓在武陵縣南舊志在府城南枉渚之南

水經注縣南有晉徵士漢壽詩宋本作人襲元之墓銘晉太元

中軍武子立族姓彙晉處士襲元之史作襲誤

宋管白雲先生墓府北七十里紱紫山麓 國朝乾隆初知

府呂肅高樹碣嘉慶八年邑人周室任復修墓砌圍牆十

三年其子邁倫呈請知縣許紹宗建祠墓左

宋理學朱沛國墓府北趙塘陂邑人丁學顯立碑舊志

按沛國非名非號乃朱氏族望之通稱其爵里不詳前

人表墓未知何據

傅羅卜母墓縣北八十里江陂湖上墓上有石蓋志稿

明

榮莊王佑樞墓府北六十里大龍驛興國寺有廟榮王載瑾

立碑四武陵志稿

榮妣劉氏墓莊王墓旁 仝上

福寧懷僖王厚熹墓城東十里德山乾明寺前有磚城德山

志傳為金剛再來故沒葬山左德山志

榮王妃墓在德山萬歷五年葬龍志

榮懷穆王墓府北三十五里陽山下白鹿寺明榮莊王子榮

王載瑾之父有嘉靖萬歷時御祭追諡碑下二里為鹿苑

口志稿

懷妃馬氏墓懷王墓旁全上

榮恭王載瑾墓城北五十里銅鼓村之金鳳山有碑二

榮恭王妃徐氏墓恭王墓旁有碑

惠安王府墓縣北七十里文殊寺

四府陵府西四十里金罍寺亦榮藩墓有豐碑久仆

石板寺府北三十里有榮府墓

王墓總縣北七十里俱有前代王府墓俱全

榮藩義官墓府北七里橋東里許罷人陳洪諱蔣信作墓碑

馮參政墓府東羅卜港乾隆初有居民犁田出墓誌知府耿

興宗為立石表之志稿

墓誌故亞中大夫交阯布政司左參政馮貴字孟敬常

德府武陵縣長樂村人考馮秀燭字友直母方氏本官癸

丑年正月十六日辰時生由縣學生員禮記中乙卯科舉

人洪武三十三年中進士授兵科給事中永樂四年陞授

交趾布政司參議歷九載陞交趾左參政於永樂二十一年四月初四日申時在於寧化州車來縣箇魯州陣亡本年十二月二十七日葬於本縣伏宿村蘿蔔港土地娶妻陳氏生子四長曰經早世娶余氏次綸娶余氏縉娶辛氏綬女一人叔真許適常德衛指揮段凱弟敬孫二愈忠孫女一婆孫

知府耿興宗清復馮忠烈碑畧曰公以永樂四年由兵科給事中出補交趾布政司參議歷九載遷左參政公多方畧善撫綏捍禦邊陲屢著奇勲士官黎利之變力戰而死

真忠宣公總司政歸公櫬葬於武陵之伏宿村

港洪熙改元勅贈交趾左布政使表棹檣以旌其門此誌志家乘可考者夫何滄桑遞更荒邱寂寂松楸僅存其子孫竟無能誌其墟墓近者蘿蔔港田夫犁得墓誌一合於土中洗而讀之其字不甚剝蝕蓋卽公之忠靈有不可磨滅者而其地顧已爲黃姓所有甚且倚地盜葬因之爭理於有司今歲夏五余奉

命守常覈其牘仰公忠烈爰偕署武篆文登陶君易視焉知志之所在卽墓之所在乃以墓歸馮新之以地歸黃仍之明其界劃並令兩家今後俱毋得耐葬其內以妥忠魂勒石表之并識其事於碑陰

馮郎中墓府北七里橋有商輅撰馮郎中墓表

提學蔣信墓府南八十里金霞山東北吉水鄒元標題碑

舉人龔元亨墓府西五里落路口

大常卿姚學閔墓桃源歇馬橋營盤嶺

雲南布政司楊墓西門外

太僕卿楊禔墓縣北三十里東山之麓

新都留守於墓西門外

御史唐鍊墓在陽山西麓

舉人唐相墓縣北五十里馬籠橋

戶部員外郎龍德孚墓府西鹿田坪

少傅楊鶴墓縣西三十里手田坪

楊農正墓桃源義溪

太傅楊嗣昌墓初葬龍陽鬼子哨收葬桃源金廠溪

監軍楊山松墓龍陽赤山

戶部侍郎唐紹堯墓縣南九十里彭家坊

翰林唐訪墓縣北灣牛陂

唐誠墓縣南茶盤坵

唐誼墓縣南白竹岡

太常卿龍膺墓桃源龍家溪

國朝

大學士胡統虞墓縣北三十里陽山歐家冲增

行取主事陳養元子翰林長鎮墓縣西三十里硯瓦灘

吏部尚書楊超曾墓府西四十里禾麻麓有謚冊碑

提督裴鉞墓府北陽山

副將唐光茂墓在花山

古節婦墓府西門外孫起鵬有花繡提古節婦墓誌

周金剛墓一原直墓在德山俱覆以鐵塔俱全

義塚

漏澤園在北關外宋遺事 宋仁宗

明龍人儼漏澤園誌事畧曰魏守陳公之蒞茲土也

慧日覆照人天一切含靈如春在育于安阜之餘用修覆

崇掩骼之政不忍殘骸敗骨委之塵沙棘莽間擇北邙一

片地俾有所歸而藏之適越之胡君仲安氏以採買之役

客我溪上溪在城之南為沅水春夏之交二三日雨則洪

波注涌蛟龍怒作山谷震蕩罹其厄者率登鬼錄浮波臥

渚飽魚鱉鑿焉為者比比然矣胡君不勝悲憫為之舟以

拯之地以墳之且嘆曰匹夫有心雖可偶行其一二然目

之所及者事焉所不及者已焉曷若大為之區處不必吾

所遇而皆有以取辦且可以久永無乏然不請於上則無

以感動大衆而賞不廣於是為說以請恰與我公祖之意

合析爲之序且大捐清俸屬以置塚置田俾胡君募之甫
半載而塚與田事皆就歛諸所施以償其值餘則爲庵朝
經暮懺用罄沉滯之魂焉仍歲收其田所出者以繼其所
需

義塚四區一在清平門外龍坑畔居人取土拋骸知府鍾昌
痛惡引律勒碑禁之今宜申戒一在北門外柳堤畔義民
於天叙施地立有碑一在東門外回回崗畔一在七里橋
畔用尊法寺廢址爲之分巡道林掖章於路口立有碑龍志
千人塚府北七十里淨土菴貢生陳國寶瘞

明朝乾隆三十八年興復漏澤園在東關涂家堤名體仁

志稿邑人唐廷元等捐募收瘞浮屍設總所於關廟旁知
府潘本義知縣張繼辛各捐俸有差五十年首事陳懷方
同向廷燦等因總所在城不便移建涂家堤共堂廳耳房
十四間添置紗帽湖義地三處善卷村一處提督喻金鰲
題額

張繼辛序畧曰武陵九江涯洩余蒞茲土三年數罹水患
今夏尤甚時路經白沙見沿岸流屍合保甲收瘞方擬爲
調度會士民以體仁會事來告拯生撈死施棺購地猗歟
善舉實獲我心顧事體艱鉅始終杜弊防僞可行久之
故正非一端及閱會規一摺井井有條心益嘉許爲詳請

優獎唐廷元等復請為序

武陵龔太萬題額曰仁之端也
朱素英題聯曰此地居然成彼

岸諸君真不愧仁人

乾隆六十年苗匪不靖永靖上流溺斃浮屍順下無數知府

陳三辰捐銀一百五十二兩命首事置長樂村紗帽湖田

一石一斗五升作義塚換有碑記知武陵縣鮑振飛捐銀

二百五十兩嘉慶三年首事等請將體仁堂歸並育嬰堂

經理至今如舊

各行店商民共捐銀一千三百八十兩進溪村田一

堵姓捐五石七斗梅姓捐二石七斗七升

萬金崗義塚一處

積塚在北門外萬金崗邑人張文泰築始乾隆四十七年

僱人收瘞暴骨

白骨塋一在東門外廻龍閣邑人汪姓築一在城外東北柳

堤一在北門外榮王寺一在小西門外萬緣寺體仁堂首

事築

桃源縣

姊妹塚邑城西三里有古塚二上各植凍青一隔尺許腹橫

一幹合抱糾結如牽手相傳二處子誓不嫁人愛同夫婦

強之許適遂相抱而卒因葬此不知何時人也桃源拾遺

明

知縣田鐸墓縣東北獅子巖

知縣文海墓縣東高吾山

知府李顯墓縣東琉璃堰

布政使李徵墓縣西黃土陂

戶部主事鍾萬鎰墓武陵金霞山

知州鍾萬殊墓縣東活家塔

提學江盈科墓初葬縣西康家山後阡小菴溪

副使王衮墓縣北歐家塔

進士王士譽墓縣北歐家塔

翰林關士琦墓縣西鐵林山

長史付郎印司奇墓縣南三莊坪

呂貞女墓縣東松雲巢

國朝

訓導文鵠墓縣東馬鞍山

府尹文志鯨墓縣東木塘邵家冲

行人羅其鼎墓縣南綠溪

御史羅人琮墓縣南綠溪

總兵萬岱墓武陵陽山雷公洞

都司萬崑墓武陵陽山雷公洞

游擊李世松墓縣南鷓鴣埠

晉江麟墓與南絲蘿山

守備郭念恩墓龍陽關山清流園

參將郭勳墓縣西沙灘村

參將萬觀墓縣南洪瑞坪

義塚六區一在縣治東關外一在南關外一在西關外一

限市一在鄭家驛一在新店驛

縣北莫林村新開塔二處貢生胡錦收處東七里楓香

處邑人余世桂置

白骨塔縣東關外舉人羅松樂

龍陽縣

宋

徵士周德元墓縣南梅溪

明

縣尉青文勝墓縣西二十里楊家冲

太常卿史贊舜墓縣西陡門湖

贈布政司史與祿墓縣西陡門湖

都御史袁鯨墓縣南鐵山冲

員外曾壽貴墓縣南毓德鋪

隱士楊華墓縣學左

主簿廖英知縣廖榮墓俱縣北五竈寺旁

副史胥必彭墓縣東

舊志

知府周鳳墓縣西汎洲

知州彭恭墓縣西汎洲

評事薛俊墓縣南小塘坪

方伯李清墓縣東建有石坊

封郎中李思文墓縣南長崙舖

知府丁應賓墓縣南長崙舖

知縣劉守謙墓縣南毓德舖白馬廟旁

國朝

御史彭之鳳墓

副貢王為堉墓

教諭楊瑞墓

義塚在縣南

沅江縣

明

藩王墓在赤山明月灣

龜山二塚在蔣保約高二丈週百餘步相傳明藩王墓

同知周仰月墓在白駝舖碑記存

義塚縣南知縣霍梓捐俸買地築牆有碑

龍志

守志

卷六

山川考古蹟

國朝

翰林編修吳俊升墓在賽保獅山

義塚五區一在雪壇旁一在景星寺右一在雞公坡一在王

家灣陳雍南置一在黃泥窖郭安宇置

白骨塔在關廟後乾隆中知縣曾昌齡建後圯以其地改爲

社稷壇

各會館義塚

福建義塚郡城五處一在東關賀八巷北大岡嶺一在碑記

汊路口一在官家岔一在西關桑樹園一在西關石板橋

建義堂一所在進溪村有田十坵又會館田四處共六石

八斗五升

山陝義塚一處在西關外莫公礪客民建公善堂前至大街

後抵干佛寺會館忠義宮在城內水星樓前抵城後至大

街任持僧月朗置善卷村楊柳埭田一十二石

蕪州義塚一處在德山茅灣建公祠額曰金庭義莊乾隆五

十二年蕪州客民置嘉慶元年復置水龍救河街一帶火

災雜用歲需百金

涇縣義塚一處在府西關長生橋建樂義堂貧者延醫送死

具有成規旁有園曰琴園饒花石之勝嘉慶五年涇縣客

民置

江西義塚共八處賀入巷後地一區田一石一升康家巷後地一區長樂村麥家園地一區屋一進德山蜈蚣山地一區祠屋一所廟山嘴地一區蓮花池地共三區田三坵俱乾隆乙亥歲後江西客總先後續置大庾楊崇岱有江西義塚並祠屋記宗岱工詩古由進士令蜀中掌教開江書院卒於開江葬德山

江西義塚龍陽西關一處沅江蔣保一處

湘陰義塚沅江一處在山巷口

蘓州義塚沅江一處在先農壇南

長郡義塚

在府小西門外驛馬店側係置李姓地房屋六間續置張姓王姓地前至街後至溝左抵譔宅右抵熊宅內各有古塚為界

常德參幕許尚忠墓在龍陽六溪

常德府志卷七

考第五

建置考一

常德在漢卽爲聲教覃被之地而城郭公廨諸大端自宋至今乃粲然稱備焉輒考其興建之人及其歲月以爲舊事之徵云

城池

常德府城在沅水之陽

湖廣通志周赧王三十七年秦昭王遣白起入楚取黔中地楚人張若築城以拒湖南通志六國時楚遣張若築城卽今府城址也舊志後唐副將沈如常於城之西南百步

東南一里各造二石櫃以捍水固城宋元豐間李提開溝渠置三斗門後並圯龍志張若城在治東一百步

宋紹定四年二月乙亥呂文德浚築鄂州常澧城池訖事詔

獎之理宗本紀

舊志城高二丈五尺週廻一千七百三十三丈九里十三

步串樓一千五百八十三間警舖一百五十七所今殺其

半雉堞三千二百四十八墩其六門東曰永安上南曰神

鼎下南曰臨沅正西曰清平西北曰常武北曰拱辰南臨

大江東西北三面環濠池東北二門有月城西有橋石基

木板上有舖房拱辰常武兩門外皆石橋又有三斗門

在清平門內後營中在武陵縣學之右下在舊衙署後濬

皆北向水繞城背然後往東合襟堪輿稱吉理或然也

按三斗門建自宋元豐五年將作監王簿李提所開以

洩城中之積水又城外上下石櫃建自後唐則唐時已

有城但世遠年湮失於記載今之城垣係明仍宋代故

址所築而明初胡汝孫德即因宋之舊城更從而加修

者也

元至順三年常德路監路珣璘不花築土城未就軍帥將大

不花續成之舊志

至元二十四年甲辰明太祖滅偽漢陳友諒取常德路總制

胡汝即舊城修之

明洪武六年常德衛指揮孫德再闢舊基壘以磚石覆以串

樓作六門浚濠池而制始備

永樂十三年指揮李忠重修城垣加以樓櫓

一統十年指揮夏宣補修城垣

正德二年指揮段輔修砌城墉江岸 十一年指揮陳鼎重

建西門城樓

嘉靖十二年大水城圯 十三年巡撫林大輅檄飭本府通

判聶璜協同常德衛修之重建清平門城樓

正四年指揮周東修砌府學城垣復於城下壘石為堤高

八尺亘延如城歷年修補不一舊志

崇正十一年七月奉勅修常德府城

舊志崇正十年楊太傅嗣昌以丁父憂家居嗣昌夜坐見白氣犯翼軫

奮起曰賊將及吾郡聞流賊將犯楚遂作請修常德城稿授紳士轉

呈巡方御史白士琳奏之嗣昌以費巨遂暫撤鎮遠總稅

以司理陳景頤管之撤舊易新三年而工完極其壯飾

楊嗣昌疏畧曰竊照臣於本年二月內具題南方盜賊漸

起綱繆陰雨宜先等事內開書稱事事有備詩稱陰雨綱

繆皆莫要於擊諭修繕城池置造守具團練鄉兵儲蓄糧

草之四事臣謹遵前諭旨再加發明懇祈聖鑒嚴勅責成

直省撫按司道等官等因奉有欽依通行去後各該直省
撫按未見片紙回文猶曰道路修阻奉行伊始未能驟舉
其概也乃有建議踰年鳩工數月紛爭道旁之舍戲搏童
子之沙如臣鄉常德府修城之事可異焉臣鄉常德一府
四縣蕞爾小邦然而濱臨洞庭接壤谿峒爲華彛襟帶雲
峯峭嶽古來有事必爭之地頃者南征北討漢土官兵動
輒盈千盈萬出入其間嗷嗷索哺洵洵思鬪凡二十載榮
藩帶礪怵惕不寧士農工商奔避無所臣前歸里率諸紳
衿具呈撫按兩院請留本衛絕溢屯租銀兩繕城募兵按
臣余應桂業題奉旨行之久矣臣入都受事慮湖南湖北

無人照管請設偏沅撫臣值臨藍盜賊竄出披猖次陳捍
禦六議稔知親藩封國城敝不堪猶恐絕溢屯租費用不
足再留臣部驛裁銀兩俾之完一城後再完一城又以南
方修鍊無法特遣邊官鄧惠明等前去提調繕城柴自禹
等教練成造火器火藥以爲禦侮之備題奉明旨鄧惠明
等繕城除器併前議六款通著該撫道等官恪實力行務
期守禦有備以靖地方欽此各官去經半載修鍊茫未有
聞臣又移書偏撫內開四款一修城取之驛裁如一年不
足則二年三年接續用之數原不少但恐一年不能徵數
年之銀則本部近題南方盜賊漸起疏內加糧抽稅二事

斷斷可行卽糧或止可量加而稅則不妨全復俟城成卽止此本部題奏欽依通行考課不容遲誤者也臣問南來之人則今歲春夏起工四個月修城僅入丈建臺纔半座皆憑無知衛弁撓亂把持不用灰漿純以黃泥浸灌苟且了事遇雨傾倒畧無一成可爲浩歎臣不知屯租驛裁如許銀兩俱在何處而令有司束手坐困無從措處金錢置辦磚灰雇覓工匠僅役民夫一二十人夯杵鍤鑿等件器具無一堪者如此繕城雖十年必無成功徒敝精神滋勞怨而無益也臣爲此懼不敢不摘舉上聞懇祈聖鑒修備儲練四事俱不容緩而尤以修城爲根本苟非高非堅城

不足特則備儲練三事俱無所憑依而親藩重地葵夏要衝城垣高僅八尺亦決無有如常德之甚者乞勅該撫按坐委本府節推專董其事一切追催錢糧督僱夫匠全做邊城欵式實辦磚灰物件修砌堅久工程本官近稟該道遠詳撫按酌妥而行不許闕茸弁流把持橫議其募兵一事不能兼舉先將屯租歸併修城與湖南北驛裁嚴行催解如再不足則量抽府河商稅斷斷可行有此三者辦料鳩工不致束手坐困而夫匠必給見銀如民間點工應役始收子來之效萬萬不宜派之地方使滋口實無益有害也此事勒限年終奏報城工稍有次第然後募兵儲備照

依前議舉行各該撫道等官前奉恪實力行之旨已誤不容再誤臣部考成之法首從親切見聞之處確實勤懇不敢以本省地方引嫌蒙飭

國朝

順治十四年十月常德衛守備張靖修北門城門洞一座鐵

葉城門二扇舊志

康熙四年衛守備張靖鼎建臨沅門神鼎門城樓鐵葉門
五年鼎建北門城樓六年府經歷許尚忠鼎建西門城樓
九年知府胡向華鼎修大南門城樓並建南城下調元樓
城濠起西門歷北門至東門水滙出七里澗其南皆臨江

石櫃附

上石櫃在府城外西南白步下石櫃在府東南一里皆後唐副將沈如常所築壘石江濱修砌堅固捍禦水勢保障城隍至今賴之舊志

石櫃在府學櫺星門前元延祐六年常德路監哈喇以府學櫺星門逼近城址前切大江恐易圯壞乃築石櫃於學前高二丈以殺水勢 國朝乾隆三十一年大水灌城武陵知縣王永芳請帑重修加高厚各數丈舊縣志

花貓堤石櫃在清平門外二里舊建年月無考 國朝康熙

九年三月知府胡向華衛守備張靖修舊志

賀奇記畧曰花貓堤舊有石櫃一座修砌石工例辦於衛
明時堤或時潰而櫃則屹然不動 國朝初滇黔兵馬屢
犯常武乙未仲夏蜂擁東下是時總鎮楊公禦之斷堤櫃
引水納流以爲堵截府城賴保無虞頻年水衝溢決不次
府後三十餘村恒厄波濤此櫃較之唐元所建最上水患
尤急知府胡公心切憂之暨清戎孔公署衛篆張公力請
是任采石修砌而填內運土則賴合尹黎協濟歷二載餘
大工克竣謀鐫諸碣以志千古奇向張公行謝曰此櫃
成有三大利唐元三櫃年久代遠石礎灰脫不耐激此櫃
當先殺其勢而三櫃可免急衝一利也郡北諸村其賦役

多於郡南辰常二屯犬牙相參者半有此櫃以固堤在民
爲村在軍爲屯咸盈倉箱二利也堤埝堅固則督修諸公
無望洋蒿目之憂修築庶民省屢檄力役之費賴此櫃以
奠金湯三利也

乾隆五十四年九月湖廣總督畢沅湖南巡撫浦霖等奏請
發帑重修

會奏畧曰常德府城濱臨朗江地勢平行江水由黔省發
源匯集辰沅諸郡之水由城之西南隅建甌而下直射城
根查沿江舊有石櫃四座在城西者地名花貓堤楊泗廟
在城東者廻峯寺沙窩建立年分無考乾隆三十一年廻

峯寺石櫃被水衝坍經前撫臣常鈞奏明修復形勢卑小
 彼時重在保護長堤究與城身無涉現在尙屬完好無庸
 議請加修又楊泗廟舊櫃形勢亦小止能禦浪不能逼溜
 亦無庸復加培修此外惟花貓堤舊櫃與楊泗廟相距不
 遠又與對面岸玉皇閣沙洲緊對應請修復此櫃既可保
 護城堤兼可衝刷對岸又上有地名落路口正當大溜之
 衝更居對岸玉皇閣沙洲之上應請於此處添建新櫃一
 座逼迥大溜使之直衝對岸淤沙更爲有濟又城東沙窩
 舊櫃一座亦爲大溜頂衝且居對岸青草嘴沙洲之上游
 逼溜衝沙最爲喫緊但舊櫃形勢窄小出土亦低應請大

爲加修於東西一帶城堤亦可藉其保衛今逐一確估計

添建新櫃一座復修舊櫃二座按照丈尺層數底面寬窄

入土淺深據實估報實需工料銀一十二萬五千餘兩

時修復花貓堤舊櫃其
 蓋路石櫃未及添建

沙窩石櫃在河街下年久崩壞乾隆五十七年知府李大霽

知縣楊鵬翔督本邑紳士商民捐貲加修一丈七尺名積

石壩

桃源縣

桃源舊無城郭明成化十六年通判張瑛乃相其高阜築土

城低處立排柵以資捍衛

舊志

宏治十年知縣李文顯補築土城建四門東曰迎恩東南曰迎薰南曰通道北曰通郭時奉分巡副史魏英檄為之

嘉靖十四年知縣尹天祐率市民輸役版築不月告成規制雖簡陋可資防禦

崇正十三年兵部尚書武陵楊嗣昌題建磚城設商稅以資用分巡道陳瑾拓其規模始事東北尋以時亂罷工

縣志稿城東由河岸起北抵迎恩門經城隍廟抵缺城口長共四十一丈零俱磚城高二丈由口北轉西磚城高一丈長二十四丈又西至通郭門磚城高二丈長一百一十二丈由通郭門西上磚城高一丈長二十八丈又西抵

門磚城高二丈長十八丈五尺餘間有土城折而南至通道門皆憑後港由通道經迎薰門抵迎恩門皆臨大河

石櫃附

石櫃在縣學前

舊志元延祐庚申建常德路權儒學學錄張壽識其年月

造者於石明隆慶五年洪水衝決無遺萬歷二年巡撫趙賢臨縣因士民請批府議重修四年知府葉朝陽准動官

銀二百兩給石工知縣鄭天祐更捐資縣丞徐徽言董役五年夏竣工櫃南砌石陂以塞泉道陂上砌石埠東建川

上亭於儒學前蓋學宮之形勝澤洞之關闌所係甚鉅

下石櫃在勸善寺前

舊志縣當五溪之衝通七省之衝洪濤湍發歲為民害萬
歷三十六年夏暴雨蓄址殆半越五年知縣劉昺首先區
畫築此櫃於四十三年冬工始竣縣志稿新石櫃在迎薰
門外上接上石櫃高二丈九尺長五十六丈乾隆四十五
年知縣羅紳請建發帑銀二萬七千兩零修復堅固為
枕源萬年保障

龍陽縣

龍陽舊無城郭元至正十六年天完徐壽輝將陳友諒據武
昌分兵駐此鄉民始築土城防禦至今因之舊志據水

東經龍陽縣北城側是北魏時已有城或傾塌未修復耳

明成化十一年知縣周泰即舊城甃以磚設六門樓櫓如
城高一丈二尺周八百八十七丈門六曰東曰南曰小南
曰西曰北曰小北

正德十一年巡撫都御史秦金以地臨洞庭盜賊易發乃發
帑藏委教諭楊文升督工修築城垣其北瀕江東西南三
隅則浚壑為濠

嘉靖十三年知縣薛炳以城池年久未修且值荒歲恐有他
虞委義民鄢連四等分修重建六門

萬歷戊寅知縣楊重俊奉旨築磚城周七百三十三丈高一

丈三尺知縣黃師表增闢南門龍志

崇正十一年丁丑奉旨重修龍陽縣城

舊志是年兵部尚書武陵楊嗣昌題請修郡城并湖南各城俱奉旨修築龍陽迤處洞庭修城尤急知縣劉光裕創修本邑鄉紳史贊舜袁鯨各捐千金助修後劉以左官停工知縣吳孩存接修增高五尺塞小北門留小南門以便驛路共為五門通志東曰迎春西曰擊壤南曰薰風小南曰澹粵北曰拱極

國朝

康熙十二年知縣三萃重建城樓

乾隆三十一年發帑重修龍陽縣城

縣志稿是年署知縣魏丞輔詳請領帑知縣葉元祺分段承修週圍三里八分長六百八十四丈重建五門重樓東曰寅賓南曰覲光小南曰文明西曰慶豐北曰拱極

石櫃

龍陽無石櫃明萬歷三十九年城東高坡頭崩比部曾壽貴築基創閣以截江流

舊志昔人嘗建寺塔於上塔前引水滌環與江相通即古寶塔河稱形勝地邑大關鍵也年久洪水蕩洗寺塔俱崩明比部曾壽貴議砌石櫃更於石櫃上置寶塔以復舊觀

因措費維艱未果

舵桿洲冷汎洲石臺康熙五十九年武陵生員徐昌彭商民江承璫等稟請修建雍正九年

詔發平餘銀二十萬兩委員監修

藩司宋詳文畧曰洞庭一湖綿亘數百里惟湖之西有冷汎洲湖之中有舵桿洲每值洪水泛溢風濤洶湧行舟陲遇風發苦無泊岸檣摧楫折不知凡幾商賈士民視爲畏途故商民江承璫張道源等欲將冷汎洲創石臺立廟豎桅懸點天燈更議造夾石山於湖中之舵桿洲武陵生員徐昌彭等因鄉試中阻大湖今見江承璫等有此美

曩創址是以具呈籲請督憲銜序以彰倡率奉批委員勘估冷汎洲修建石臺基址長八丈橫六丈周圍二十八丈約計水勢計建三十六層高一丈八尺每層約五寸厚石除已砌三層高一尺五寸用過石塊工料不計外餘按丈尺及建廟額其估計需銀二千六百四十七兩零舵桿洲隔冷汎洲百餘里居西湖之中四邊達岸或百餘里或二三百里不等議造夾石山長八十一丈橫四一丈九寸高十丈以方石砌脚上填亂石四圍栽松樹千株中留十丈寬一小港長八十一丈與夾石山等以避風浪約計萬金

沅江縣

沉江舊無城郭明成化十一年知縣范廷築土城建四門城

高大尺周迴五里門曰東南西北無樓櫓舊志

正德十二年知縣金露補修

嘉靖間知縣林一正始建城樓置匾

萬歷元年知縣漆文昌因土城時地外砌以磚然水泛易地

二十年知縣俞夢麟三十八年知縣霍梓四十五年署縣

阮良選皆先後加修建四門置柵未幾全圯全上

國朝

康熙二十四年奉部覆沅城久廢無庸議修

通志周迴傍河計三里

卷七終

常德府志卷八

考第六

建置考二

公署

萬壽宮在府城西關內雍正十一年知府張廷慶知縣孫之

琮建通志

武陵志稿文武官欣逢

慶典及三大節俱齊集

萬壽宮行慶賀禮恭遇

恩詔頒臨宣讀朔日宣講

上諭亦即於此瞻仰對越其各縣舊建龍亭近則行禮於明

倫堂按大學衍義補此為進賀之禮儀注大畧如朝儀

府署在府治中珠履坊相傳楚申君館址龍志

舊志明洪武甲辰權知府事馬汝舟建正堂三間前為月臺為甬道為儀門兩旁為廊東為吏戶禮房西為兵刑工房正堂後為燕堂翼以左右廂房內為庖湏諸室儀門前為譙樓五間上有銅壺以正時刻譙樓前百餘步為大門距正堂偏東因春申君墓在譙樓下不欲由之

永樂十八年知府應履平增建正堂五間匾曰黃堂後堂三間匾曰牧愛置戒石亭土地祠及東西榜房四十二間成化七年知府楊宣加修葺又建架閣常早二庫及吏舍

三十六間

宏治十二年知府楊瑛闢後堂東廂地建自鶴軒

正德二年知府王瑩於譙樓外改建清軍廳管糧廳理刑

廳及門樓 四年同知何應湖進劉蔡琳推官楊節各加

修飾十二年知府陳希文重新前後堂匾曰惠康

嘉靖六年知府方仕以關防不密築圍牆二百九十三丈

結架覆瓦規制嚴整 九年知府趙永淳再修大門譙樓

十二年同知李經闢譙樓旁出入又建清軍管糧二廳於

左右改大門稍西十六年知府陸珮用眾議復由舊路折

去大門建棹楔匾曰楚西名郡

隆慶六年知府樊垣鼎建正堂匾曰明新

萬歷初知府蕭騰鳳尋白鶴古蹟臨池築室額白鶴清署
蕭騰鳳記畧曰舊傳武陵太守出行道中見有鸞草履者
知其爲異人也命市以歸將躡之爲家人所止投之池化
白鶴飛去因名曰白鶴池云後復見之山中口誦一詩云
芒鞋織得甚堅牢千兩黃金價不高當時不聽妻兒語跟
我蓬萊走一遭言終不見斯亦異哉然郡乘有白鶴軒不
載其事豈郡乘固不志怪耶余視事武陵賸所謂白鶴池
則荆榛渺泮遺址無存泉亦蕪淤爲蛇虺窟獨三樹臨池
居中最盛地勢爽塏余曰嘻是不足以存往蹟哉遂除地

鑿池依樹築室放白鶴其中匾曰白鶴清署不忘舊也夫
化鶴之事杳矣軒之成毀不知何年第蕪廢已久宜飾而
張之矧費徵亦不及民延賓有堂坐水月有亭疏滌煩悶
雅暢性靈於茲得無助耶乃所詠不聽妻兒語尤有味乎
其言之也嗟嗟當官惟妻兒語是聽豈徒隔蓬萊弱水三
千丈哉將厚自封殖于正己率物憂國奉公之義闕焉卒
之身名俱敗爲天下笑蓋妻兒之累匪渺小矣余不知化
鶴狀而其言足述姑志之于此亦以見余非志怪者志不
以妻兒累其官者也

二十一年知府謝裘增置譙樓三層徙棹楔置儀門內

三十七年知府劉一全改建譙樓仍二層舊制樓外置屏
牆徙棹楔於屏外表題三楚名邦裏揭九川重鎮儀門內
重建戒石亭左翼申明亭右翼旌善亭

崇正三年知府鄭時舉以譙樓於府治不利盡行撤卸就
譙基上建頭門門左立小譙樓移舊樓於府東城上匾曰
調元兵燹廢圯

國朝順治四年初入版圖頭門內外軍民雜居十一年知府
高明建二堂川堂過道吏戶糧禮四房及白鶴池聯輝大
社以課士 十六年知府王來慶建頭門寅賓館及兵
工等房

康熙七年知府胡向華重建大堂及

二堂匾曰寅恭及三堂東廳廳旁建

邦坊置土地祠大門西偏為司獄署

乾隆二十年知府耿興宗鼎建大堂

葉馨因舊制儀門內東為戎府牌坊

後為戎府大堂西為糧府牌坊牌坊

府同知通判共一儀門出入不便將

置外止其頭門又將正牌坊移外照

向之照牆 三十九年貳守都世喜

大門儀門展開署前街道增置牌坊

高三巷始與府治分立門向 五十五年郡守李大霽以署前地太寬將照牆縮進數丈撤舊南向轅門改列東西儀門亦縮進數丈署後增建小樓今計大堂三間宅門川堂二堂堂左為東廳兩翼庫房左翼耳房十間右翼耳房十二間左為寅賓館右為清白泉廳戒石亭左右自隸亭各六間左之左為吏戶禮房右之右為兵刑工房儀門三間左土地祠三間右監獄六間廳一座外頭門照牆左右牌坊欄柵旗杆鼓樓俱備

乾隆癸丑紹興陳大尹清復白鶴池古蹟右為西廳由中為三堂為內書房為坐樓為上房為寢室為庖福室室

後偏東為小樓樓距圍牆前置倉房一百二十間 塔

府署堪輿家向以不利為言嘉慶十三年知府應先烈於大堂東偏建天星樓三層周按八卦起八角上層卯位供天星神像自甲側立執匡斧制坤方入煞常郡官民悉安同知署府堂左有前後堂及廂房門樓明永樂初同知董翥創修嘉靖十二年同知李經建清軍廳萬歷間同知錢夢松天啟間同知張夢時次第修理

國朝康熙七年同知孔斯和創修更易舊規並建東廳乾隆四十三年同知都世喜營造一新

通判署府堂右有前後堂及廂房門樓明永樂間通判陳志

明創建宏治間通判姚綸萬歷中通判鄔鼎龍修之

國朝順治十三年通判張道澄康熙二年王興禹修各加營

構制如同知署無儀門

經歷司署在同知廨前明成化七年知府楊宣建舊志

國朝乾隆間經歷司許順重葺今計頭門大堂二堂左右書

房三堂翼以廂房東廂右為客廳寢室庖湏悉備

廢署附

布政分司署府西二百步正統初建成化七年知府楊宣重

建正堂匾曰紫微分署後堂左右廂房儀門大門庖湏俱

備左坊曰澄清湖北右坊曰保障楚西原本原有分守巡

兵備三司規制皆同今廢舊志

按察分司署府東二十步明洪武初知府張子俊建成化七

年楊宣重建正堂匾曰肅清翼以左右廂房後堂儀門及

庖湏正德十三年都御史吳廷舉按舊志都御史吳廷舉

所困廷舉不少挫久之伺得賊中要領反執其魁附錄於此俟考於兩旁種樹木嘉靖十

二年同知李經因大門逼近街市縮入為大門二門凡察

院巡方及提學考校俱在其內今廢全上

南察院行司署府西門外一里因行旌謁王晉見羈遲乃建

於城外規制皆與城內分司同兵燹蕩廢

推官廨府堂左有前後堂及廂房門樓明永樂間推官陳尙

舟建正德四年推官周宣重修萬歷間推官智幾先天啟
間推官孟紹祖崇正辛未年推官陳之龍九年推官陳景
頤次第修建

國朝順治十六年推官楊子先於本廳頭門左建文昌閣康
熙四年推官潘滋樹建大廳正堂今裁

照磨所府堂右知府楊宜建

知事廨在經歷廨前

司獄司署府堂東南隅廳二間房六間乾隆十年奉裁

稅課司署府西權知府事馬汝舟建成化七年知府楊宜

修云治元年裁革

九潭湖河泊所府東二里洪武初建今廢

新興館府東北八十里級紫山之東舊路由武陵之安鄉若

無館穀所惟寄宿菩提寺及民家嘉靖十年知府趙永淳

奉巡撫朱廷聲檄于適中處建館往來甚便今廢

陰陽學府西半里洪武十七年建今廢

醫學府治西二十步洪武十七年建今廢

按陰陽醫學雖係土員均隸禮部常德向設陰陽醫學
公所故得附廨署之末至僧道等官惟居寺觀且無定
址故不列云各儒學
署則附見各學校

遞運所府東二里洪武初建今廢

常德衛署在府治東半里元置常德翼在府西北百餘步至

正十六年爲陳友諒所據置元帥府明洪武甲辰年歸附以胡汝充總制乃於城南卽舊治所爲衙門丙午歲始改翼爲衛陞胡汝爲指揮副使以鈐轄之洪武二年移治舊開元寺廢基上立正堂大門各三間成化七年指揮夏仕麟李廉易綱重加修葺建兩廊六房儀門宏治十一年遷爲營王府第乃改設於府治東指揮鄭昇周輔復建正廳抱廳後廳儀門大門及六房正德四年指揮段輔重修於臨街建壯國坊嘉靖六年指揮周邦簡增建榜房萬歷間凡掌印指揮歷加修整崇正間五所前餘地設鼓鑄戶部向拱極建立錢局

國朝順治四年奉裁衛指揮遂爲常德協札住舊衛公館俱廢十五年守備張靖建廳堂耳房儀門大門在府治西經歷司在衛廳之左

衛鎮撫司在衛西百步嘉靖三年鎮撫黃儼建正廳大門獄房

五千戶所舊各有蒞事署後因遷改雖撥有地俱未建立萬歷間獨前所千戶李先開建設前所廳堂房舍門樓儀門及兩旁軍校房今廢

軍器局在衛北百餘步宏治十一年指揮鄭昇建正廳大門左右廊房今廢

宰廠有二處一在北門外一在清平門外共五所其匠人五十名輪流簽撥千戶一員歲董其事以備修城磚瓦上俱舊志

武陵縣

縣治舊在神鼎門東臨沅門西今遷府西大街

明洪武甲辰知縣張子源建正堂幕廳儀門

宣德八年燬於火知縣燕喜重修增立左右廂房置六曹

設架閣庫

成化八年知縣徐必敷縣丞源政重修

宏治十三年知縣應能因廳宇圯壞且逼近城址乃縮入

丈餘為正門儀門改建正堂匾曰愛養斯民後堂匾曰涵

春置戒石亭土地祠庫房承發房獄房榜房外為旌善

明兩亭舊志

嘉靖十年知縣馬負圖重修上全

萬歷九年知縣洪有福建譙樓於儀門左上全

天啟甲子知縣鄒毓祚重修造東壁館以課士砌石基遷

譙樓於城上上全

崇正四年知縣宋學顯重修大堂仍置譙樓 十年知縣

徐顯嗣修兵燹後僅存數椽上全

國朝康熙七年知縣黎上材始行創造規模如故增穿堂教

子堂上下官房三十餘間煥然聿新 二十六年知縣勞

啟銑改為考院遷治神鼎門西右雲程巷左大興街是為今縣治上全

舊志勞啟銑改縣署碑記畧云武陵朗江首邑而衙署湫隘鄰居城隅查有新道司一所為往來使節公館雖闕廢已久可以改為縣署二十七年通詳院司道府偏撫都院丁批查無有違碍派撥盡捐已費准將舊縣署修整改為公館設轅門斡桅旗置官廳以駐使節並為學憲考棚共計頭門二門東西廊房大堂東西耳房二堂內房東廳書房左右羣房將新道司改為縣署啟銑就其舊有之大門二門大堂二堂內宅西廳羣房傾者扶之缺者補之或加磚瓦或增椽棟又于大門內東建土

地祠三間西建賓館三間二門內東西各建書吏房七間大堂之東建庫房樓西書房之後建犴獄內羈候所五間大廳四間于二堂之東建東廳五間內書房四間周圍羣房共二十餘間于本年十二月十六日竣工續于是月二十八日遵奉新例合士民捐穀備賑復度署西旁隙地捐建常平倉房十七間置大龍站倉房五間修青陽閣倉房七間供積貯焉事關改遷政體所存備而誌之以俟稽考云

乾隆十五年知縣李際隆復重修之今計大堂三間左庫房戒石亭吏戶禮糧倉戶總六房右茶科兵刑工東招屯

餉承發皇庄入房凡四十二間儀門三間左土地祠右寅賓館大門三間左右柵欄照牆左朗江名邑坊右良牧先聲坊宅門大堂後為左右門房二堂三間東書房三層各三間前廳榜曰花嶼讀書西書房五層各三間翼以耳房為幕室二堂後為內宅門左右耳房三堂三間後堂一進三原楊鵬翽改額永思堂供所繪永思圖左右寢室庖湏俱備東倉房二十間西倉房七十三間內一間貯民壯軍器東倉後為射圃西倉前為內馬號其右為監獄獄舍六間分別內外男女四至圍牆增

縣丞署舊在縣堂左乾隆二十六年巡撫陳宏謨題改頒分

縣印移駐牛鼻灘建分縣署舊署廢增

典史署舊在縣儀門左今移建縣西雲程巷內前後共計四層層各三間左右廂房俱備嘉慶二年典史程汝蕙重建後堂及書坊增

主簿廨縣堂右久廢舊志 陰陽學醫學今廢舊志

桃源縣

縣治居正街明洪武二年署縣事主簿曹簡始建正堂幕廳六房十二間戒石亭大門譙樓舊志

正統九年圯壞縣丞余旭修增建後堂庫房上天順五年縣丞羅益改建正廳增建抱廳儀門土地祠獄

房大門外建旌善申明二亭上全

宏治五年知縣朱穀十四年署縣林世傑正德十一年知

縣高昂各因廢修建上全

嘉靖七年知縣黃鳳翔趙華增修承發架閣糧房儀門外

建桃源縣坊 二十五年知縣吳炎主簿胥慶重建譙樓

砌石基 四十年知縣鄭延年重修上全

隆慶五年知縣張植建後樓上全

萬曆三年知縣花必芳重建儀門六年知縣鄭天佐於

門外建寅賓館 三十八年署印推官智幾先建棹樓

座於屏垣外題曰天監民瞻湖北重鎮鼎建賓館上全

崇正十五年知縣楊兆雷建後堂上全

國朝順治初年仍舊嗣因兵燹止存後堂 十五年知縣郝

宗福易民居三間建堂盡覆茅茨上全

康熙三年知縣陳洪範建鼓樓三間正堂三間穿堂一進

後樓三間前後耳房十二間六房儀門鸞鷺門重修三堂

煥然改觀上俱舊志

乾隆三十三年知縣裘棟建大堂四十四年知縣范明德

改建二堂五十五年署縣鮑振飛修葺後樓

典史廨縣堂左

廢署附

布政分司署縣東半里明景泰初建成化九年知縣趙儒修

正堂後堂各三間儀門大門翼以左右廂房今廢志舊

按察分司署縣東二百步明洪武九年知縣徐天驛建成化

七年知縣潘賢修正堂後堂各五間儀門大門左右翼以

廂房今廢全上

本府公館縣西二百步明景泰初建今廢全上

縣丞廨縣堂左今廢 主簿廨縣堂右久廢全上

白馬渡巡檢司署縣南二十五里舊在縣治北一百里高都

村明洪武二十年改遷後眷村名蘓溪巡檢司二十五年

遷此嘉靖四十二年分巡道胡植以新店安化界賊作移

南六十里後廢全上

高都巡檢司署縣南一百三十里與驛同處今裁全上

陰陽學縣東 醫學縣東今廢志舊

龍陽縣

縣治舊在南街中明洪武甲辰年知州段旻度址重建稍却

而北是為今縣治志縣

宣德七年知縣范再昌建正堂後堂幕廳各三間全上

天順六年知縣李泰重修志舊

成化六年知縣李森重建正堂後堂廂房及增建六房八

間架閣庫二間戒石亭一座儀門大門獄房各三間左旌

善亭右申明亭全

宏治三年知縣周泰重修全

嘉靖十三年知縣薛炳再修增建儀門架閣庫又建板簷

樓以貯各年軍民冊籍全

萬歷三十六年知縣陳賢才四十二年知縣夏之時重修

天啟元年知縣呂夢陽於二思堂左建書廳三間七年知

縣王國光加修葺全

崇正壬申年知縣劉光裕重修庚辰知縣吳孩存重建大

堂五間抱廳一間及二思堂左吏戶禮各三間右兵刑工

各三間全

國朝順治十年知縣冒正宗修輯增建鼓樓全

康熙三年知縣張若械於後堂右建靈官廟三間俱舊

十九年知縣李滋奇于穿堂右建東亭二堂後建寢舍五

間後堂五間縣志

乾隆十七年知縣延福重修增

典史署在儀門左康熙六年火十年典史徐允楨鼎建廳堂

三間額曰芙蓉堂又建穿堂一間後衙三間左右翼以廂

房大門及靈官祠舊志

巡檢署在縣東南七十里龍潭橋乾隆四十七年知縣傅廣

聰詳請添設鼎建大堂后堂大門增

公館二所俱縣小南門

龍陽志藁

國朝乾隆三十六年知縣陳國瑞詳請建頭

門儀門大堂二堂三堂臬司梁敦書題皇華小憩額後書

房篆小有林亭字內有八角亭巡撫梁國治題曰養秀東

花廳題曰青覽披雲其花徑曲處之石刻有翠靄字林水

滌然字由內登城有亭曰翼然可供眺望

乾隆五十五年知縣黨雲龍於西街復建小公館前後二

進

龍潭橋行署一所明萬歷戊午知縣王淦沐建每署大堂穿

堂後堂頭門儀門廚房茶房各三間書吏房六間屏牆圍

牆後經兵燹舊志

國朝乾隆二十年知縣李逢雍詳請修復一所規制如舊五

十八年知縣鮑西又修復一所增

茶尖公館二所一在縣西二十里滄港一在縣南三十里小

塘每所大堂頭門各三間築圍牆乾隆四十四年知縣李

之枳鼎修小塘公館係捐俸值買戴姓基地各官往來鋪

設勳聖俱出於官

廢署附

布政分司署縣西一百八十步明正統七年知縣李昂建正

堂穿堂左右廂房後堂儀門大門成化八年知縣李森嘉

靖十三年知縣薛炳重修久廢舊志

按察分司署縣西二百步明洪武二年知州段旻建正堂穿

堂左右廂房後堂儀門大門成化八年知縣李森嘉靖十

三年知縣薛炳重修增建官廳吳葵廢興禾三上全

國朝康熙廿九年知縣李滋節鼎建如舊制為各上司行署

尋廢縣志

府公館縣西南半里明成化三年知縣李泰建十二年知縣

某嘉靖十三年知縣薛炳重修今廢舊志

興屯署按察分司右庫熙邑西年知縣張允先建即明時府

館舊基今廢上全

榮府庄署北關外東橫街久廢上全

縣稅課局縣東明洪武初建久廢上全

胡家村稅課局縣西北十里明洪武時建久廢上全

縣丞解縣堂左今裁主簿解縣堂右今裁增

鼎港口巡檢司署縣東北九十里明洪武八年建久裁

上小江巡檢司署縣西北四十里與武陵抵界明洪武初年

以水從大江分至流花口達荆澧故設巡檢久裁

公館縣南明宏治間知縣楊瓚重修並吏舍二十間明成化

六年知縣李森主簿劉權重修今廢

陰陽學縣前醫學縣前久廢

赤山守備府署崇正十四年因臨武藍山大盜倚湖擄劫官
兵勦擒後即設守備一員駐紮隨建府於此今廢上俱舊志

沅江縣

縣治在邑慶雲山東北瓊湖之左縣署南向明洪武二年知

縣錢文英改建北向舊志

景泰二年知縣張紳改向東南建正堂幕廳譙樓儀門各

三間大門一間六房八間全

成化間知縣范珪重修全

宏治間知縣馮銅增建戒石亭并旌善申明兩亭俱廢

國朝順治十一年知縣張特建正堂三間 十四年門廳全

知縣孟雲龍重修縣志

康熙初知縣陳明瑞張孫裔先後增葺並建吏舍沅江縣志下同

十九年知縣馮愷英創修

二十五年知縣顧智重修

三十一年知縣朱永輝捐建吏舍皆竹屋乾隆十四年署

縣沈華改建木屋舊建八間東西各增二間

狴獄舊在儀門外右乾隆初改建於左

聖諭亭舊戒石亭遺址知縣朱永輝重建

子民堂宋唐介建知縣顧智尋遺址重修乾隆六十年知

縣傅景錚修之懸額於二堂

顧智記畧曰唐公介爲武陵尉建教子堂韓魏公爲記蔡忠惠書之自尉遷沅江令又建子民堂僅存其名余承乏茲土見頽垣中有垂堂四楹湫隘僅如蝸宮內念殊默默已惕然曰公宰茲邑惓惓爲子民是念名堂之意歷千載如昨顧今日當念民之能子與不能子不必辨堂之存與否也無何民茅屋火延及堂不付祝融者僅呼吸間人力無所施左綴一楹倏如崩雷焰頓息風頓反堂遂賴以不燬因仍其舊展布葺之堂成難其額旣而曰噫此堂雖小閱人多矣易一官或易一額前之所題後來者必更爲標異不知後之易今亦猶今之易昔况今所題未必勝於昔

也一堂額名心不化徒勞梓人之僕僕於是仍追宋直臣所題子民堂額而鼎顏之庶幾顧其名因以存其堂存其堂因以想見其人今讀宋史者知唐子方爲當時真御史詎知其起家是邑爲宋真循吏乎人如子方流芳青史堂名如子方所題亦火燼炙人口予又何敢易焉後之君子登茲堂者當思唐公子民之意慎勿亟亟易公之堂名三十一年知縣朱永輝於署東偏建晚香亭 永寧庫原在大堂西

國朝乾隆年間改建大堂東宅門內以存公款

增

典史署在儀門內舊有吏舍十二間後廢

國朝康熙三十四年知縣朱永輝捐貲率里役鳩工庀材鼎建廳堂書館厨室皆備百有餘年歷官補葺棟宇俱仍其

舊增

廢署附

布政分司署縣南六十步明成化初知縣蕭智建通判徐璟

署縣重修後廢舊志

按察分司署縣西八十步舊在儒學前明洪武初建成化間

通判徐璟重修後廢舊志

府公館縣西成化間知縣范珏重修後廢舊志

公館縣南臨江明宏治間知縣楊瓊重修為哨官借居後燬

江湖南泊所縣東一百步明洪武十四年建後廢舊志

陰陽學 醫學縣東久廢舊志

以上俱文職署

提督署府治東半里明常德衛治

國朝順治四年裁衛指揮治遂為常德營副將駐札屢經兵

燹幾於無存舊志

康熙二十四年提標移駐常德將衛治改為提督署提督

徐治都權為整理四十二年提督俞益謨乃鼎新之並建

座樓額曰靜遠金陵王基有靜遠樓賦其後提督間加修飾規模仍

舊武志稿下同

俞益謨記畧云康熙四十二年春余自大同總兵官授湖廣提督駐劄武陵郡公署頽敝湫隘靡所托足抵任之始不欲以繁費累營伍力役勞士卒刮捐行橐得金若干兩庀材于山伐石于崖乃涓辰舉事始爲內署正樓南向者五楹東西列峙廳事北向者與正樓相稱繼于內署門以外爲退思廳五楹稍前爲大堂五楹其左右退食廳者爲書室爲幕館左右大堂者爲掾曹又繼而爲儀門爲頭門爲左右鼓吹亭爲東西轅門宏敞寬綽匪猶舊觀外之翼然以張者爲中軍廳爲列校廳內爲僕從居停廚爨廡櫪暨于匠藝工作莫不各有其所射圃廳則其最後者焉是

役也起于癸未之夏落成于乙酉之夏閱二十四月而工竣計所需七萬二千工授值二千餘金材木石磴磚瓦塗茨諸需較工值而倍之刮行橐者過半餘以三歲俸薪拮据而成之者也先是內署正樓將成余膺撫剿紅苗之役仰荷

天威兩月底定至是退食大堂兩廳及各營鎮咸以法紀修飭軍容改觀具報竊幸獷苗悍卒不變一新獲告無負於簡書

中營參將 署在大南門上大街原係分巡湖北道署

國朝康熙六年裁分巡道

今街名道門口

二十四年提標移常參將

鄭興遂駐札道署鼎新修理頭門三間儀門三間儀門內
 東西各列科房中大堂再進二堂內為正寢房室外為照
 壁為東西轅門武陵志稿下同

前營守備署在百順街坐西向東前為頭門少曲為儀門其
 旁為辦事房中為大堂為二堂內為寢室

前營都司署在大興街少東
 國朝順治十五年衛守備張靖以衛治為常德協副將署乃
 建衛治於此起照牆轅門頭門儀門大堂二堂內室旁為
 號房有書房箭道康熙二十七年衛守備裁前營遊擊移
 駐於內乾隆十八年遊擊改都司為都司署

右營守備署在皇經臺巷內建頭門儀門大堂二堂寢室花
 廳俱備

左營遊擊署在青陽閣北向

右營遊擊署在青陽閣北向上二署以抵街近無照壁轅門
 其頭門儀門大堂二堂椽曹幕室內寢前無所仍皆移駐
 時鼎建者

中營守備署在太平巷

左營守備署在大高山巷提署西北
 常德營遊擊署在鷺鷥橋頭門儀門大堂二堂寢廳幕曹十
 數間旁有箭道不設轅門

常德營守備署在遊擊署東千總把總外委係本營行伍補拔其署即所居室為之無定所

桃源把總署

洞庭協副將署在縣正街之南建大堂二堂三堂各三間頭

門儀門各三間穿堂官廳號舍及屏牆圍牆左右轅門諸

制俱備嘉慶二年改為遊擊署

新縣志下全

都司署縣正街東嘉慶二年改為守備署

千總署二所 把總署四所俱縣正街東

外委廨四所 額外廨三所無衙署俱隨營聽用

沅江千總署明洪武十三年立沅江哨兵丁五十名統以千

戶百戶哨兵來往居南城公館 國朝雍正八年分湖

常德協駐龍沅二縣汎左部副府一員駐沅防守於縣治

前建署乾隆初陸續改建署左為教場即邑講約公所

沅志

上俱武職署

考棚公館附

考院在北門內

志藁國初道考俱於龍陽搭場提調官有地方之責不便

遠出因將府西行司署右隙地築牆建藻鑑堂康熙二十

六年知縣勞啟鏡改建縣治於其地而以舊縣治為考院

築圍牆牆外四面俱官地乾隆二十一年知府耿興宗武

縣王粵麟倡修考棚六層棹橙悉備因係公署抵建
來行館

嘉慶十七年合郡紳士因舊考棚湫隘且朽壞呈請改建知
府應先烈飭首事審定基址置青陽閣大街十姓屋基價
二千八百兩續置四姓屋基價八百兩左抵右探花大街
右抵馬路巷後闢大通路通左右街四周不接民居長四十
六丈有奇寬二十三丈有奇隨出示勸捐擇吉建大堂三
間山堂二間左右官廳二間考棚七十二間通計儀門各
三間二堂座樓各五間鼓樓各二間考棚東西各三層棹
橈悉備內外聽事人役房屋周圍磚牆工未集旋乃四觀

去同知唐景曦署府事督率次第修舉約費萬數千兩規
模壯濶十九年知府鄭鵬程武陵知縣許紹宗籌費竣工
皇華館在府北關外嘉慶十七年知府應先烈即故提督俞
公福舊址改建中楹三間左右廂房各一正中屏門內仍
祀俞益謨牌位其外為文武接官廳周以圍牆建大門題
今額

桃源考棚在沅南書院儀門內嘉慶十一年講堂左右建號
舍二十七間

季瑜記畧曰桃邑舊有潭江書院地濱孔道燈火廢弛且
無考棚每試文武童生俱在縣署予權是篆與邑紳士謀

購西街基建沅南書院 以興絃誦兼設考棚兩善俱舉
龍陽考棚在學宮東

志藁邑舊無考棚乾隆五十一年邑人童翰盛等因明倫
堂為大堂鼎建穿堂儀門頭門號舍四十間棹橈俱備知
縣黨雲龍匾曰匠成翹秀嘉慶九年邑士廖溶等因改建
文廟並移考棚與文廟同向另建大堂增添號舍

沅江考棚在書院前

志藁沅邑舊無考棚嘉慶三年邑士捐貲折開書院頭門
內隙地建立考棚官房大廳甬道中建萃英樓東西考棚
各之間官房兩傍考棚各二間棹橈俱備

會館

常德會館在京師鮮魚口長巷第四條衚衕明時建凡應選

試者寓焉萬歷間太僕寺卿王佐篆額愛鼎堂三字太常寺正

卿龍膺題聯云發跡仙源裊神鼎碧澗桃花隱隱雲
中雞犬舉頭帝闕集華簪玉河楊柳紛紛天上夔龍

國朝康熙五十四年監察御史汪浩捐銀六百餘兩募郡人

重修

汪浩重修會館碑記曰康熙五十有四年秋七月余以浙

東江山令行取來京引見此至直走會館一片寒烟白

日與敗瓦殘垣相吞吐關帝神座覆壓在旦晚間因僦居

玉泉菴三月四日入覲

特恩以額外主事用留京爰折柬徧謀同人俱報可因荒度
 土工後基高五尺前殺其一旁如之又次年四月九日建
 神之宮蔽以前廳次第及東南圍屋以八月落成西書屋
 三間則又越一年而成之東西取相稱也大廳前後四土
 牆易以磚屋南向添監照廳對峙四而六之費皆稱貸繼
 自今神之靈爽惟館是憑邦之多士惟館是集 國之良
 臣惟館是儲若以為濫廬也一宿處之而莫恤是挈瓶之
 智弗若矣謹勒茲石用告同人雍正二年五月題聯云聽
 金闕曉鐘
聲轆恁地悠揚正好從屋漏中嚴舜熒毫釐孽孽效吾善
 卷際形庭宵袞憂勤何等巍煥奚必向挑洞裏做漁樵事
 業脈脈尋
 那秦人

雍正十二年家等楊超會等酌定捐費則例以便隨時修
 葺歷久如舊

楊超會序畧曰京師之有會館倣古者郡國邸舍之意以
 待鄉賓觀光筮仕至則如歸法良善矣茲館肇自有明歲
 久寢廢康熙丁酉年間同里汪公東瀾倡董興修樸斲丹
 雘經理一新落成後自有碑紀其事蓋善造善因功在不
 泯歲癸丑吾郡人之在京師者念創述難保護不易謀為
 隨時修葺之舉以無忘前賢層累之勤因酌定捐資等則
 并善後事宜商屬諸梓屬余一言為之弁

乾隆十六年舉人楊健等因捐貲積餘置買館側基房四十

年檢討龔大萬等復修

嘉慶六年京師大水垣牆傾塌候補道黎學錦復捐貲修葺

江西會館大河街 萬壽宮

徽州會館衣服街徽國文公廟

江南會館道門口三元宮

廣東會館河街

山陝會館下南門內忠義宮

福建會館十字街萬福宮

舊志乾隆十六年常德各會館幫修書院捐買育嬰堂江

西客總全兆瑛彭廷佐等共捐銀三百兩

王仁和等共捐銀二百五十兩徽州客總程旭吳啟祥等

共捐銀二百兩江南客總寶彬吳毓澄等共捐銀百兩廣

東客總黃源江譚高昌等共捐銀百兩山陝客總巨邦光

趙正玉等共捐銀七十兩福建客總何思任揭楚珍等共

捐銀五十兩按各會館義行為前府縣所獎錄今並續載

驛遞

武陵縣

府河驛在常武門外

通志明初府河為水驛另設和豐驛在縣北二里嘉靖八

年水驛裁遂併和豐為府河驛志藁府河驛原為水驛府

南門一里臨江明洪武四年知縣張子源建正廳儀門大門廂房成化八年知縣徐必敷於廳後建水亭九年知府楊宣遷舊亭於府西北建正廳匾曰皇華後爲退居翼以寢室宏治九年知縣應能增修嘉靖八年歸併水驛國朝康熙間以地濱大江無芻牧餘地乃改建於今處建正堂寢室馬房設驛丞一員專管雍正七年裁汰附近城郭驛丞驛務歸武陵知縣兼理乾隆三十五年燬於火知縣洪雲錦建正廳頭門廚房書房四十七年知縣李師白復修外廳及東西馬房五十七年司事趙錫膺復募修馬王祠及靈樞觀

原額設馬六十四匹館夫七名

每名工食銀五兩八分零

站船水夫四名

遞運所馬船一隻水夫十四名共歲支銀一千九百八十八兩四錢六分零支應銀四百二十兩今定額馬五十七匹馬夫二十八名半損夫九十三名驛書二名獸醫一名又僱健夫八名歲支正閏銀二千二百三十兩三錢四分零俱於驛道支領

大龍驛府北六十里

志藁舊在蹇家坪明洪武十五年馬夫文祖等呈以風水不便遂遷今處設驛丞一員管理嘉靖八年知府方仕重修館舍 國朝乾隆四十一年驛丞改爲巡檢建公署頭

門儀門大堂二堂東書房西班房俱備驛側公館建頭門
儀門大堂二堂內房東西廂房驛內建大門差廳差房耳
房廚房及馬王祠

原額設馬四十三匹驢十頭館夫三名共歲支銀一千五
百九兩七錢五分支應銀三百兩今定額馬四十五匹馬
夫二十二名半損夫七十五名驛書二名獸醫一名又僱
健夫五名日支工食俱同府驛巡檢弓兵十名歲支正閏銀一千九
百二十一兩五錢九分八釐

府河大龍兩驛里甲排夫一百九十四名歲支銀一千四百
二十兩八分脚馬四十二匹歲需支銀一千二百六十兩

賦役全書 按脚馬銀兩驛道開銷是此項已奉裁法里
甲排夫定例照數僱募不容混派詳見知縣勞政銑碑記

勞政銑詳草里下派夫上站碑記畧曰竊據驛遞排馬夫
役各有定例照數僱募每名工食應按額設支給備載全
書無畧混派此通例也武陵自逆變以來地當孔道兵馬
紛紜差使絡繹以致額設排夫應用不足當重迫於催督
縣官窘於應辦多行僱募則無可支之項少涉羈遲即受
鞭笞之辱雖派之各里備銀僱覓亦往往半路逃亡仍多
賄累此從前諸令所以有派夫上站之詳以為夫出土著
即有名籍逃亡者可以按籍而拘不敷者可以照糧而派
此蓋救時之急法非通行之定例也迨相沿既久各里之

中強梁者抗不赴站而額設工食半歸中飽柔懦者科歛橫加而排損夫錢恣其魚肉紳衿胥役復行優免村里小民愈多劇費甚至每糧一石派至一二錢不等而額設工食之銀各里棍蠹侵牟夫頭胥役侵其半往來之提差又侵其半在官雖按季給發而各夫有支給之名無支給之實甚至不拘各色人等因夫出里遞稍涉公務卽勒夫應付驛丞以微末之員不敢不遵是額設應給之銀不在官不在夫而在諸凡雜項之費也銑自康熙二十七年奉偏撫都院丁批將驛站錢糧事務交回官遵例自行管理已將每驛額設排夫銀五百六十七兩自行僱夫上站答應

差遣每驛夫八十名照數僱覓按名月給工價毫不派累鄉村以滋擾害其各衙門水火夫於五月起亦按季支給工食不派各村除一面通行嚴禁外仍恐地方豪棍慙不畏死擅行勒派以致蠹胥陋規勒索不休非上憲嚴禁杜絕無以示警具詳署理湖南通省驛鹽道事朱批排夫積弊相沿分派擾民該縣請將額銀自行僱夫以杜擾害具見留心民瘼大禱郵政如詳勒石永除積弊隨發告示徧粘城市鄉村曉諭毋得仍蹈前轍卽將額設錢糧按名僱覓排夫上站至馬夫苦役向係里下幫貼今旣一併革除而額設之錢糧又不足以養其身今復捐貲每名各加工

食銀三錢自詳道舉行後四五年既無派累里民亦不致
誤差遣從前積弊一旦革除

按記言每驛額設排夫八十名工食銀五百六十七兩
是兩驛共夫一百六十名銀一千一百三十四兩與全
書額數不合考沅州志載康熙十九年定每驛額設夫
八十名歲支工食銀五百七十五兩疑武陵亦同此額
而全書所載為舊日經費非正項也但沅州志言
銀五百七十五兩勞記言五百六十七兩以每夫工
銀七兩二錢算之則沅志為得而勞記為非也

前總舖 徭編十名
永充一名

東至龍陽界 毛公舖 徭編四名 永充一名 賈家舖 徭編四名 馬步舖 徭編四名

永充一名 社木舖 徭編四名 永充一名 新村舖 徭編四名 白沙舖 徭編五名

西至桃源界 佛子舖 徭編五名 南湖舖 徭編四名 永充一名

北至澧州界 石橋舖 徭編四名 永充一名 清泉舖 徭編三名 永充二名 長坡舖

徭編四名 中餉舖 徭編四名 陽山舖 徭編三名 永充二名 韓僧舖 徭編四名 永充一名 折

橋舖 徭編四名 永充一名 大龍舖 徭編五名 馬鞍舖 徭編四名 永充一名 柿子舖 徭編

五名 坡堰舖 徭編四名 新建舖 徭編四名

以上舖司兵共一百五名歲支銀六百一十五兩九錢二

分

各河渡夫 附

麻河渡

渡夫四名

康家吉

渡夫四名

白沙渡

渡夫二名

以上共渡夫十名歲給銀一十八兩三錢

桃源縣

桃源驛縣西南二里

志稿明洪武十四年建本為水驛設驛丞一員專管

國朝雍正間裁驛丞併水驛為馬驛於驛東四十里陬溪腰

站建公館一所頭門大堂二堂俱備

原額設馬三十九匹館夫三名站船水夫八名歲支銀一

千二百六十九兩八錢一分支應銀二百四十五兩

鄭家驛縣西南七十里

志稿明洪武四年建設驛丞一員管理 國朝乾隆四十

一年驛丞改巡檢於驛內建公館一所

原額設馬二十七匹館夫二名歲支銀八百六十二兩一

錢三分支應銀一百九十五兩

新店驛縣西南一百三十里

志稿明建設驛丞一員管理 國朝乾隆四十一年驛丞

改巡檢於驛內建公館一所

原額設馬四十二匹館夫二名歲支銀一千二百九十七

兩二錢七分支應銀一百九十五兩

通志明初設桃源淶蘿高都三水驛鄭家新店舊設二馬

驛後歸併烟庄 國朝康熙二年巡撫周名南以站程遙
遠清復舊制每驛相去六十里今併裁改桃源水驛為馬

驛

桃源鄭家新店三驛里甲排夫二百十六名歲支銀一千五
百三十七兩二錢脚馬三十四匹歲支銀七百三十二兩

全書

縣前總舖 徭編六名 永充二名

東至武陵界

古師舖 徭編五名

延泉舖 徭編四名 永充一名

鄒溪舖

徭編四名 永充二名

高吾舖 徭編四名 永充一名

呂真舖 徭編四名 永充一名

西至辰州沅陵界

滾蘿舖 徭編五名

白馬舖 徭編四名 永充一名

桃

川舖 徭編五名

鳥頭舖 徭編三名 永充二名

唐林舖 徭編四名 永充一名

沅

溪舖 徭編五名

竹瓦舖 徭編四名 永充一名

吉陽舖 徭編四名 永充一名

燕

庄舖 徭編四名 永充一名

長坂舖 徭編五名

竹老舖 徭編五名

唐地舖

徭編五名

新店舖 徭編五名

太平舖 徭編五名

蘇坊舖 徭編五名

寧

鄉舖 徭編五名

楊家舖 徭編五名

末濁舖 徭編四名 永充一名

以上舖兵徭編一百八名 永充十六名 共支銀六百十七

兩四分

各河渡夫 附

各河渡夫二十名 歲支銀四十兩六錢六分零 賦役全書

龍陽縣

河池驛在縣署左

志藁河池水馬驛在縣江北明洪武三年建舊為水驛嘉靖九年改為水馬驛萬歷三十八年本府署印推官智幾先改建於西關外通志明初設河池武口二水驛萬歷間復設龍潭馬驛在縣南七十里為龍陽益陽腰站 國朝裁水驛移龍潭馬驛於河池故址

原額設馬四十六匹館夫二名站船二隻水手八名本府紅船水手二名歲支銀一千一百七十六兩四錢八分零里甲排夫一百五十名銀一千九十八兩脚馬三十匹銀七百三十二兩二項俱解驛道衝驛開銷

縣前總舖 舖司六名

西至武陵界 黃鎮舖 舖丁五名 洽口舖 宣布舖

南至長沙益陽界 押東舖 望城舖 小塘舖 東滄舖

毓德舖 長嶺舖 澄清舖 軍山舖 以上舖丁各五名

東至沅江界 張家舖 南疆舖 以上各二名

以上各舖兵六十五名共支銀三百三十兩四錢六分零

各河渡夫附

各河渡夫三名歲支銀五兩四錢九分零賦役全書

沅江縣

協濟桃源驛馬零銀鄭家驛馬九匹本府遞運所紅船水夫

常德府志 卷八 建置考驛遞 三

二名排夫二十六名驛馬八匹共銀五百六十九兩俱備

衛驛開鋪 賦役全書

我縣治濱江驛路駁馬勞苦差使多從水路需用夫民甚苦之康熙二十四年奉 制嚴禁

縣前總鋪四

西至龍陽驛

馬公鋪距驛十里

河渡鋪距驛十里

白駝鋪距驛十里

三十里以上各二名

以上鋪司兵十名歲支銀

三十六兩六錢

各河渡夫附

新設渡夫二名歲支銀三兩

五分賦役全書

